

# UNIT 1 : PENGENALAN

## Pengenalan Lukisan Kejuruteraan

Memahami tujuan lukisan dalam kejuruteraan, jenis – jenis lukisan kejuruteraan dan kepentingan lukisan kejuruteraan.

### Objektif Khusus

Di akhir unit ini anda sepatutnya dapat:

- Mengenalpasti peralatan lukisan kejuruteraan dan mengetahui cara menggunakannya.
- Membina jenis – jenis garisan dalam lukisan kejuruteraan dengan ciri – ciri yang piawai.
- Membina lukisan kejuruteraan dengan berpanduan piawaian am yang betul.

## 1.0 PENGENALAN

Lukisan kejuruteraan merupakan lukisan garisan –garisan yang dibentuk daripada pensel. Lukisan berbentuk garisan ini dibuat dengan menggunakan peralatan lukisan kejuruteraan, bukannya secara bebas tanpa menggunakan peralatan. Lukisan ini merupakan gambaran sebenar bagi sesuatu bentuk objek dengan lebih terperinci dan disertakan dengan saiz dan ukuran dari semua arah pandangan.

## 1.1 TUJUAN DAN JENIS – JENIS LUKISAN KEJURUTERAAN

Secara teknikalnya lukisan kejuruteraan boleh dipecahkan kepada dua iaitu:

- i. **Lukisan mesin**; iaitu lukisan pemasangan yang dikhususkan kepada proses mencantum dan membuka komponen untuk memenuhi tujuan pembuatan, selenggaraan atau persembahan.

- ii. **Lukisan kerja**; iaitu lukisan yang menerangkan dengan terperinci bagaimana sesuatu komponen itu harus dihasilkan dan apakah yang patut dicapai oleh sesuatu pengeluaran itu. Lukisan ini juga menunjukkan sifat akhir sesuatu komponen. Lukisan ini termasuklah Lukisan Terperinci, Lukisan Butir, Lukisan Bahagian-bahagian dan Lukisan Pembuatan.

Orang-orang yang mempraktikkan seni ini dikenali sebagai *pelukis plan*. Sebelum komputer berkembang pesat kebanyakan lukisan kejuruteraan dilukis secara insani (Manual). Dewasa ini tugas melukis dipermudahkan dengan kewujudan sistem Reka bentuk Terbantu Komputer. Namun sama ada sesuatu lukisan itu dilukis secara insani atau dengan bantuan komputer, lukisan berkenaan hendaklah mempunyai ciri Kebolehasilan semula yang baik, serta mematuhi spesifikasi lukisan dan piawaian lukisan kejuruteraan tertentu yang telah ditetapkan.

### **Ketepatan**

Setiap lukisan kejuruteraan hendaklah dibuat dengan mengikut ukuran yang tepat. Ini termasuk ketepatan ukuran saiz dan menggunakan jenis – jenis garisan mengikut jenis pensel ataupun sepertimana yang telah ditentukan.

### **Teknik Melukis**

Lukisan hendaklah dilukis mengikut teknik –teknik yang telah ditetapkan termasuk teknik membina garisan, cara membentuk objek supaya lukisan kelihatan lebih jelas dan mudah difahami.

### **Kebersihan Lukisan**

Setiap pelukis mestilah menanamkan perasaan untuk menghargai lukisan yang dibuatnya. Dengan itu pelukis akan lebih berhati – hati semasa membuat lukisan dengan mengambil kira langkah – langkah tertentu termasuk cara pengendalian alatan lukisan untuk memastikan kekemasan dan kebersihan lukisannya.


### **Kepantasan Menyiapkan Lukisan**

Amalan melukis dengan pantas dan dalam jangka waktu yang tertentu akan menghasilkan seseorang pelukis yang produktif dan berkeupayaan tinggi. Namun aspek ini tidak seharusnya mengeneipkan ciri – ciri lukisan kejuruteraan yang memerlukan kemahiran – kemahiran tertentu.

## 1.2 PERALATAN LUKISAN KEJURUTERAAN


### 1.2.1 Papan Lukisan

Papan lukis biasanya berukuran 60 cm x 80 cm yang diperbuat papan jenis lembut. Kertas lukisan diletakkan di atas papan lukis bagi memudahkan kerja – kerja melukis dilakukan.



**Rajah 1.1 Ukuran papan lukis**

Kertas lukisan biasanya akan ditampal dengan menggunakan pita atau dengan menggunakan klip. Rajah 1.2 menunjukkan kedudukan kertas lukisan di papan lukis.



**Rajah 1.2 Kedudukan kertas lukisan dengan Sesiku T di papan lukis**

### 1.2.2 Kertas lukisan.


Kertas lukisan digunakan untuk membuat sesuatu lukisan yang dilukis menggunakan pensel. Biasanya ukuran piawai ANSI ( American National Standard Institute ) bagi kertas lukisan ialah seperti berikut:

- |               |              |
|---------------|--------------|
| A. 8.5" x 11" | A. 9" x 12"  |
| B. 11" x 17"  | B. 12" x 15" |
| C. 17" x 22"  | C. 18" x 24" |
| D. 22" x 34"  | D. 24" x 36" |
| E. 34" x 44"  | E. 36" x 48" |

### 1.2.3 Sesiku T

Sesiku T boleh dibahagikan kepada dua bahagian utama iaitu bahagian kepala dan bahagian bilah. Dalam kerja-kerja lukisan, sesiku T

menjadi pemandu untuk membuat garisan lurus mendatar atau garisan menegak dengan perantaraan sesiku sudut. Sepanjang penggunaan sesiku T, ianya digunakan rapat dengan papan sebelah kiri. Selain itu juga, sesiku T boleh digunakan dalam keadaan condong ke atas atau ke bawah untuk membuat garisan condong. Rajah 1.3 menunjukkan cara menggerakkan sesiku T.




**Rajah 1.3 Cara menggerakkan sesiku T**

#### **1.2.4 Jangkalukis**


Jangka lukis sangat diperlukan dalam kerja – kerja lukisan kejuruteraan. Terdapat tiga jenis jangka lukis yang biasa digunakan.

- i. Jangka lukis panah gergasi ( Giant bow )
- ii. Jangka lukis pegas susut ( Drop spring bow )
- iii. Jangka lukis tradisi dan bendul ( Electrum and Beam/trammel )



**Rajah 1.4 Jenis – jenis jangka lukis**

Jangka lukis digunakan untuk membentuk suatu garisan bulatan atau lengkok. Jangka lukis terdiri daripada dua batang yang satu hujungnya boleh bertemu dan boleh dilaraskan. Satu hujung mengandungi jarum halus untuk diletakkan pada pusat sesuatu bulatan, atau lengkok dan hujung yang satu lagi terdapat mata pensel untuk melukis atau membentuk garisan.




**Rajah 1.5 Cara menggunakan jangka lukis**

### 1.2.5 Pembahagi

Bentuk pembahagi hampir – hampir sama dengan jangkalukis, bezanya pembahagi mempunyai dua mata jarum. Terdapat dua jenis pembahagi iaitu:

- i. Pembahagi jenis pegas
- ii. Pembahagi jenis bendul dan tradisi




Pegas



Bendul dan tradisi

**Rajah 1.6 Jenis – jenis pembahagi**


Pembahagi digunakan untuk membahagikan sesuatu jarak kepada beberapa bahagian yang sama atau untuk memindahkan sesuatu jarak sekali atau berulang – ulang. Rajah 1.7 menunjukkan cara – cara menggunakan pembahagi.



**Rajah 1.7 Cara menggunakan pembahagi untuk membahagi satu garisan**


### 1.2.6 Jangka sudut

Jangka sudut adalah satu alat yang digunakan untuk mendapatkan titik sesuatu sudut yang dikehendaki atau untuk mengukur sesuatu sudut. Rajah 1.8 adalah contoh jangka sudut yang digunakan dalam lukisan kejuruteraan.



**Rajah 1.8 Jangka sudut vernier**

Disebabkan penggunaan jangka sudut tidak begitu kerap, sesiku sudut digunakan sebagai pengganti. Ini kerana sesiku sudut boleh memberikan beberapa darjah sudut yang dikehendaki seperti dalam rajah 1.9.




**Rajah 1.9 Sesiku sudut**



### 1.2.7 Skala/Pengukur


Skala / pengukur dalam kerja – kerja lukisan kejuruteraan bukanlah dijadikan untuk membuat garisan, tetapi hanya digunakan sebagai pengukur sahaja. Skala yang digunakan mestilah dalam satu unit sahaja bagi mengelakkan kekeliruan atau kesilapan semasa membuat pengukuran. Setelah sesuatu ukuran itu diperolehi, pensel digunakan sebagai penanda kepada ukuran tersebut. Penandaan yang lebih tepat boleh diperolehi dengan menggunakan pembahagi atau mata jangka lukis. Rajah 1.10 menunjukkan jenis – jenis pembaris yang digunakan.



**Rajah 1.10 Pembaris/ skala**


### 1.2.8 Lengkung Perancis

Lengkung ini digunakan bagi melukis garis lengkung yang tidak boleh dilukis dengan jangka lukis. Lengkung Perancis boleh didapati dalam beberapa bentuk seperti dalam rajah 1.11.



### **Rajah 1.11 Bentuk – bentuk lengkung Perancis**


Sebelum menggunakan lengkung Perancis, bentuk lengkung yang hendak dilukis itu perlulah dilakarkan dengan menggunakan pensel yang hitam ( HB ), tetapi garisan itu janganlah terlalu nyata. Setelah itu barulah lengkung Perancis digunakan, seperti dalam rajah 1.12. Kita perlumencari satu bahagian daripada lengkung itu yang selari dengan garisan lakaran yang telah dilukis.



**Rajah 1.12 Cara menggunakan lengkung Perancis**

#### **1.2.9 Pensel**

Pensel boleh dibahagikan kepada dua jenis iaitu pensel kayu dan pensel mekanikal ( isian ), seperti dalam rajah 1.13. Dalam lukisan kejuruteraan, pensel mekanikal lebih sesuai digunakan. Ini kerana pensel mekanikal tidak perludiasah dan dengan itu kerja – kerja lukisan akan menjadikemas. Pensel boleh dibahagikan kepada tiga bahagian iaitu keras, sederhana dan lembut. Setiap bahagian digunakan untuk satu tugas sahaja seperti yang ditunjukkan dalam jadual kumpulan pensel.



**Rajah 1.13 Pensel kayu dan pensel mekanikal**

**Jadual kumpulan pensil**

Bentuk mata	Kumpulan kelas	Jenis pensil	Kegunaan
	Keras	9H	Garis nyata, carta, gambarajah
		8H	
		7H	
		6H	
		5H	
		4H	
	Sederhana	3H	Umum
		2H	Lakaran
		H	Tulisan
		F	Anak panah
		HB	Surihan
		B	
	Lembut	2B	Lukisan mesin
		3B	Menerangkan garisan-garisan
		4B	Lukisan reka bentuk pertukangan
		5B	Lembut susah padam
		6B	Selalu diasah
		7B	Kerja kayu

### **1.2.10 Getah Pemadam**

Getah pemadam adalah satu alat lukisan yang perlu adapada setiap pelajar. Ianya digunakan untuk memadamgarisan yang dibentuk dengan pensel. Getah pemadam yang berkualiti tinggi diperlukan bagi mengelakkan garis yang dipadam tidak meninggalkan kesan kepada permukaan kertas lukisan.

## **1.3 PIAWAIAN AM DALAM LUKISAN KEJURUTERAAN.**

### **1.3.1 Kertas lukisan.**

Kertas lukisan digunakan untuk membuat sesuatu lukisan yang dilukis menggunakan pensel. Biasanya ukuran piawai ANSI ( American National Standard Institute ) bagi kertas lukisan ialah seperti berikut:

- |               |              |
|---------------|--------------|
| A. 8.5" x 11" | A. 9" x 12"  |
| B. 11" x 17"  | B. 12" x 15" |
| C. 17" x 22"  | C. 18" x 24" |
| D. 22" x 34"  | D. 24" x 36" |
| E. 34" x 44"  | E. 36" x 48" |

### **1.3.2 Petak Tajuk.**

Petak tajuk ialah ruangan khas yang disediakan pada setiap kertas lukisan untuk memberikan keterangan tentang sesuatu lukisan yang dilukis pada kertas lukisan itu seperti yang ditunjukkan dalam rajah 1.14.


TAJUK		NAMA	KURSUS	BIL. LUK
UNIVERSITI PENDIDIKAN SULTAN IDRIS		MATRIK	TARIKH	1
		FAKULTI	SKALA	

### 1.3.3 Skala

Skala menolong kita memperkecilkan sesuatu objek yang besar atau memperbesarkan sesuatu objek yang kecil bersesuaian dengan kertas lukisan semasa melukis. Berikut adalah kadar skala mengikut piawai BS ( British Standard):

Saiz penuh : 1 : 1 Dikecilkan dari saiz penuh:

1 : 2 1 : 20 1 : 200

1 : 5 1 : 50 1 : 500

1 : 10 1 : 100 1 : 1000

Dibesarkan dari saiz penuh :


2 : 1   20 : 1   200 : 1

5 : 1 50 : 1 500 : 1


10 : 1   100 : 1   1000 : 1

### 1.3.4 Penghurufan dan Nombor

Terdapat dua kaedah yang digunakan dalam membuat huruf dan nombor iaitu kaedah menegak dan kaedah condong. Rajah 1.15 menunjukkan cara pergerakan pensel semasa menghuruf dalam kaedah tegak dan Rajah 1.16 menunjukkan cara pergerakan pensel semasa menghuruf dalam keadaan condong.



**Rajah 1.15 Menghuruf dalam kaedah menegak**



**Rajah 1.16 Menghuruf dengan kaedah condong**

### 1.3.5 Penjarakan


Apabila menulis sesuatu perkataan, hendaklah dijarakkan bukan sahaja di antara huruf – huruf , tetapi juga perkataan itu sendiri. Ini adalah bagi mengelakkan berlakunya campuran perkataan yang menyukarkan pembaca membacanya. Rajah 1.17 menunjukkan penjarakan yang sesuai digunakan dalam lukisan kejuruteraan.



**Rajah 1.17 Penjarakan perkataan dalam lukisan kejuruteraan**

### 1.3.6 Mendimensi

Dimensi merupakan ukuran bagi sesuatu bentuk yang biasanya diukur dalam unit imperial dan metrik. Dalam unit metrik lazimnya ukuran millimeter, sentimeter dan meter yang digunakan. Dalam unit imperial pula menggunakan ukuran inci, kaki, ela dan pecahan inci. Segala maklumat ukuran disampaikan melalui sistem bentuk garisan, simbol – simbol tertentu, angka dan juga angka pecahan. Garisan dimensi ditempatkan di luar garisan penuh dalam keadaan selari dengan jaraknya lebih kurang 10 mm. Jika garisan dimensi lebih dari satu, maka jarak diantaranya lebih kurang 6 mm bagi membolehkan ruang yang mencukupi untuk menempatkan angka. Di bahagian hujung setiap garisan dimensi dilukis anak panah dan hendaklah menyentuh garisan unjuran seperti yang ditunjukkan dalam rajah 1.18.



**Rajah 1.18 Kaedah pendimensian anak panah**

## 1.4 GARISAN

Dalam lukisan kejuruteraan, garisan mempunyai fungsi yang tersendiri. Setiap garisan mempunyai tiga perkara penting iaitu:


- i. Bentuk garisan
- ii. Tebal/hitam garisan
- iii. Kegunaan garisan

Terdapat 10 jenis garisan yang digunakan dalam lukisan kejuruteraan.



#### 1.4.1 Garisan objek


Garisan ini digunakan untuk menunjukkan bahagian pinggir objek yang kelihatan seperti yang ditunjukkan dalam rajah 1.19.



**Rajah 1.19 Garisan bahagian pinggir objek**

#### 1.4.2 Garisan terlindung


Garisan ini digunakan untuk menunjukkan bahagian pinggir yang terlindung seperti yang ditunjukkan dalam rajah 1.20.



**Rajah 1.20 Garisan bahagian pinggir yang terlindung**

#### 1.4.3 Garisan keratan


Garisan ini digunakan untuk menunjukkan permukaan yang dipotong oleh satah pemotong seperti yang ditunjukkan dalam rajah 1.21.



**Rajah 1.21 Garisan permukaan yang dipotong**

#### 1.4.4 Garisan tengah

Garisan ini digunakan untuk menunjukkan kedudukan paksisimetri keseluruhan objek, paksi lubang dan pusat bulatan seperti yang ditunjukkan dalam rajah 1.22.




**Rajah 1.22 Garisan kedudukan paksi simetri**

#### 1.4.5 Garisan dimensi dan garisan tambahan

Garisan ini digunakan untuk menunjukkan permulaan dan penghujung sesuatu jarak seperti yang ditunjukkan dalam rajah 1.22.

#### 1.4.6 Garisan satah pemotongan


Garisan ini menunjukkan kedudukan satah pemotongan seperti yang ditunjukkan dalam rajah 1.23.



**Rajah 1.23 Garisan kedudukan satah pemotongan**

#### 1.4.7 Garisan pecah pendek


Garisan ini digunakan untuk menandakan bahagian objek yang dipecahkan. Garisan ini dilakukan untuk menunjukkan butiran dalam sesuatu objek seperti yang ditunjukkan dalam rajah 1.24.



**Rajah 1.24 Garisan bahagian objek yang dipecahkan**

#### 1.4.8 Garisan pecah panjang


Garisan ini digunakan untuk memberi maklumat bahawa bahagian objek yang dilukis adalah sebahagian daripada objek yang lebih besar seperti yang ditunjukkan dalam rajah 1.25.



**Rajah 1.25 Garisan objek yang dilukis adalah sebahagian daripada objek yang besar**

#### 1.4.9 Garisan fantom

Garisan ini digunakan untuk menunjukkan kedudukan alternatif bagi komponen yang sama seperti yang ditunjukkan dalam rajah 1.26.



**Rajah 1.26 Garisan kedudukan alternatif bagi komponen yang sama**

#### **1.4.10 Garisan binaan, garisan unjuran dan garisan panduan**


Garisan ini ialah garisan permulaan yang digunakan oleh pelukis untuk menghasilkan lukisan yang dikehendaki. Garisan ini bukan sebahagian penting lukisan akhir dan dilukis dengan pensel sahaja. Garisan unjuran dan garisan panduan adalah contoh garisan binaan. Garisan binaan menggunakan pensel jenis 2H dengan ketebalan garisan 0.2 mm.

### **1.5 KEPENTINGAN LUKISAN KEJURUTERAAN**

Lukisan kejuruteraan adalah asas dalam segala bidang kejuruteraan kerana lukisan itu berfungsi sebagai bahasa perhubungan bagi mereka yang terlibat. Contohnya untuk membuat sebuah kereta, lukisan yang terperinci perlu dibuat terlebih dahulu oleh jurutera reka bentuk. Lukisan itu kemudian diserahkan kepada bahagian pembuatan supaya maklumat yang terkandung dalam lukisan itu dapat disampaikan dengan tepat. Jelaslah kepada kita bahawa tanpa lukisan kejuruteraan adalah mustahil segala pembangunan yang ada sekarang wujud.


## AKTIVITI 1

- a. Dengan menggunakan kertas lukisan 297 x 420 mm, lukiskan empat corak dalam bulatan seperti dalam rajah A 1.1 dengan menggunakan alatan jangka lukis, sesiku T, sesiku segitiga.




Rajah a 1.1


- b. Rajah P1, P2, P3 dan P4 adalah bentuk – bentuk yang selalu terdapat dalam bidang kejuruteraan. Lukiskan semula rajah – rajah tersebut mengikut ukuran penuh beserta dengan dimensinya.




**Rajah P1**



**Rajah P2**




**Rajah P3**



**Rajah P4**

# MAKLUM BALAS AKTIVITI 1


a.




Rajah a 1.1




b.




Rajah P1



Rajah P2



Rajah P3



Rajah P4

## **UNIT 2 : GEOMETRI SATAH**

### **2.0 PENGENALAN**

Asas lukisan kejuruteraan ialah pembinaan garisan, sudut, bulatan, lengkok dan sebagainya. Lukisan ini dihasilkan dalam dua dimensi, iaitu yang mempunyai ukuran lebar dan tinggi. Dalam unit ini kita akan mempelajari pembinaan kotak tajuk dan garisan sempadan dengan garisan yang piawai diatas kertas lukisan. Kita juga akan melukis garisan, membina dan membahagi sudut tertentu dengan menggunakan alat-alat lukisan kejuruteraan. Selain itu juga kita akan melukis bentuk geometri mudah dengan pelbagai kaedah terhadap bentuk-bentuk berikut:


- i. Bulatan
- ii. Segitiga
- iii. Segiempat
- iv. Poligon
- v. Elips

## 2.1 PEMBINAAN GARISAN DAN PEMBAHAGIAN SUDUT TERTENTU

### 2.1.1 Membina garisan selari.

Langkah – langkahnya:

- i. Satu garis AB dilukis.
- ii. Dari sebarang dua titik pada garisan AB, dua lengkok dengan jejari yang sama dilukis.
- iii. Selepas itu satu garis CD yang bersentuhan dengan kedua-dua lengkok dilukis.
- iv. Akhirnya AB dan CD adalah dua garisan selari seperti dalam rajah 2.1.




**Rajah 2.1 Membina Garis Selari**

### 2.1.2 Membina garisan tegak.

Langkah – langkahnya:

- i. Satu garis AB dilukis.
- ii. Dari mana-mana titik ( C ), satu lengkok dibina yang memotong garisan AB di D dan E.
- iii. Dari D, sebarang lengkok dibina di atas dan di bawah AB.
- iv. Dari E juga, sebarang lengkok dibina yang sama memotong lengkok dari D.
- v. Akhirnya bina satu garisan dari titik C merentasi kedua-titik persilangan lengkok seperti dalam rajah 2.2.




**Rajah 2.2 Membina Garis Tegak**

### **2.1.3 Membahagi dua garisan.**

Langkah – langkahnya:

- i. Satu garis AB dilukis.
- ii. Dari hujung A, sebarang lengkok dibina di atas dan di bawah garis AB.
- iii. Dari hujung B juga satu lengkok dibina yang memotong lengkok A.
- iv. Akhirnya garis yang memotong AB dari titik persilangan kedua-dua lengkok dibina seperti dalam rajah 2.3.




**Rajah 2.3 Membahagi Dua Garisan**

#### 2.1.4 Membahagi dua sudut.

Langkah – langkahnya:

- i. Satu sudut ABC dilukis.
- ii. Dari B, satu lengkok dibina yang memotong AB dan BC di D dan E.
- iii. Dari D, dengan jejari yang sama, satu lengkok dibina dan dari E juga, satu lengkok dibina yang akan memotong lengkok dari D.
- iv. Akhirnya satu garis dari titik B dibina kepada titik persilangan lengkok di F seperti dalam rajah 2.4.




**Rajah 2.4 Membahagi Dua Sudut**

#### 2.1.5 Membahagi dua sudut yang terbentuk.

Langkah – langkahnya:

- i. Satu garis AB dan CD adalah dua garis yang membentuk satu sudut.
- ii. Langkah seterusnya, dua garis selari dibina di antara AB dan CD dimana garis FE selari dengan AB dan FG selari dengan CD.
- iii. Selepas itu, sudut EFG dibahagikan kepada dua.
- iv. Akhirnya FH adalah garis yang membahagi dua sudut tersebut seperti dalam rajah 2.5.




**Rajah 2.5 Membahagi Dua Sudut Terbentuk**

### 2.1.6 Membina sudut $60^\circ$

Langkah – langkahnya:

- Satu garis AB dilukis.
- Dari titik C, satu lengkok dibina yang memotong AB di D.
- Dari titik D, dengan jejari yang sama, satu lengkok dibina yang memotong lengkok dari C di E.
- Selepas itu, titik C dan E disambung.
- Sudut ECB adalah sudut  $60^\circ$  seperti dalam rajah 2.6.




**Rajah 2.6 Membina Sudut  $60^\circ$**

### 2.1.7 Membina sudut $30^\circ$

Langkah – langkahnya:

- i. Satu garis AB dilukis.
- ii. Langkah seterusnya sudut  $60^\circ$  dibina.
- iii. Selepas itu sudut  $60^\circ$  tadi dibahagi kepada dua.
- iv. Sudut FCB adalah sudut  $30^\circ$  seperti dalam rajah 2.7




**Rajah 2.7 Membina Sudut  $30^\circ$**

### 2.1.8 Membina sudut $90^\circ$

Langkah – langkahnya:

- i. Satu garis AB dilukis.
- ii. Dari titik C, satu lengkok dibina yang memotong AB di D.
- iii. Dari titik D, dengan jejari yang sama, satu lengkok dibina yang memotong lengkok dari C di E.
- iv. Dari E dengan jejari yang sama, satu lengkok dibina yang mana akan memotong lengkok dari C di F.
- v. Selepas itu, titik ECF dibahagikan kepada dua bahagian.
- vi. Akhirnya satu garis dibina dari titik C ke titik persilangan pembahagian E dan F di G.
- vii. Sudut GCB adalah sudut  $90^\circ$  seperti dalam rajah 2.8.






**Rajah 2.8 Membina Sudut  $90^\circ$**

### 2.1.9 Membina sudut $45^\circ$

Langkah – langkahnya:

- Sudut  $90^\circ$  dilukis terlebih dahulu.
- Selepas itu, sudut GCB dibahagikan kepada dua.
- Akhirnya HCB adalah sudut  $45^\circ$  seperti dalam rajah 2.9.



**Rajah 2.9 Membina Sudut  $45^\circ$**


## 2.2 PEMBINAAN BENTUK GEOMETRI DENGAN BERBAGAI KAEDAH

### 2.2.1 Bulatan.

#### A. Membina bulatan melalui tiga titik yang diberi.

Langkah – langkahnya:

- i. Satu garis lurus dilukis yang menyambungkan A ke B dan B ke C.
- ii. Garisan pembahagi dua sama bagi setiap garisan AB dan BC dibina supaya kedua-duanya bersilang di O.
- iii. Dengan menggunakan O sebagai pusat jejari dan jejari OA, satu bulatan dilukis yang melalui titik A, B, dan C seperti dalam rajah 2.10.




**Rajah 2.10 Membina Bulatan Melalui Tiga Titik Yang Diberi**

#### B. Membina bulatan terterap dalam satu segitiga.

Langkah – langkahnya:

- i. Satu segitiga ABC dilukis.
- ii. Selepas itu, kedua – dua sudut segitiga itu dibahagikan kepada dua bahagian yang sama dan akan bersilang di titik O.

- iii. Dari O, satu garisan OP dilukis yang berserenjang kepada mana – mana satu sisi segitiga itu.
- iv. Dengan menggunakan O sebagai pusat dan jejariya OP, satu bulatan dilukis seperti dalam rajah 2.11.




**Rajah 2.11 Membina bulatan terterap dalam satu segitiga**

### **C. Membina bulatan terterap luar satu segitiga.**

Langkah – langkahnya:

- i. Satu segitiga ABC dilukis.
- ii. Selepas itu, garisan lurus AB dipanjangkan ke P dan garisan AC hingga ke Q.
- iii. Selepas itu sudut PBC dan sudut BCQ dibahagikan kepada dua bahagian yang sama dan bersilang di O.
- iv. Dari O, satu garisan OR dilukis yang berserenjang kepada sisi BC.
- v. Dengan menggunakan O sebagai pusat dan jejariya OR, satu bulatan dilukis seperti dalam rajah 2.12.




**Rajah 2.12 Membina bulatan terterap luar satu segitiga**

#### **D. Membina bulatan terterap lilit.**

Langkah – langkahnya:

- i. Satu segitiga ABC dilukis.
- ii. Selepas itu garisan AC dan BC dibahagikan kepadadua bahagian yang sama dan bersilang di O.
- iii. Dengan menggunakan O sebagai pusat dan jejaringnya OA, satu bulatan dilukis seperti dalam rajah 2.13.




**Rajah 2.13 Membina bulatan terterap lilit**

### 2.2.2. SEGITIGA.

#### A. Membina segitiga sama diberikan ukuran sempadan.

Langkah – langkahnya:

- i. Satu garisan BC = 70 mm.
- ii. Dari B, dengan jejari 70 mm, satu lengkok dibina pada garisan BC.
- iii. Dari C, dengan jejari yang sama, satu lengkok lagi dibina yang memotong lengkok dari B di A.
- iv. Garisan BA dan AC disambungkan.
- v. Akhirnya ABC adalah satu segitiga sama seperti dalam rajah 2.14.




**Rajah 2.14 Membina segitiga sama diberikan ukuran sempadan**

#### B. Membina segitiga diberi ukuran tiap – tiap sempadan.

Langkah – langkahnya:

- i. Satu garisan AB = 80 mm dilukis.
- ii. Dari A, dengan jejari 75 mm, satu lengkok dibina dari garisan AB.
- iii. Dari A juga, dengan jejari 65 mm, satu lengkok lagi dibina yang memotong lengkok dari A di C.
- iv. Garisan BC dan AC disambungkan.
- v. Akhirnya ABC adalah satu segitiga yang diberi sempadan seperti dalam rajah 2.15.




**Rajah 2.15 Membina segitiga diberi ukuran tiap-tiap sempadan**

**C. Membina segitiga dua sisi sama diberi ukuran tapak dan ukuran tinggi.**

Langkah – langkahnya:

- Satu garisan tapak  $AB = 60$  mm.
- Garis tegak  $CD$  dibina tepat di garisan  $AB$ .
- Dari  $D$ , ketinggian  $70$  mm ditanda pada  $CD$ .
- Garis  $AC$  dan  $BC$  disambungkan.
- Akhirnya  $ABC$  adalah satu segitiga yang diberi ukur tapak dan tinggi seperti dalam rajah 2.16.




**Rajah 2.16 Membina segitiga dua sama sisi diberi ukuran tapak dan Tinggi ukuran**

**D. Membina segitiga diberi dua ukuran sempadan dan salah satu sudut tapak.**

Langkah – langkahnya:

- i. Satu garisan tapak  $AB = 70 \text{ mm}$  dilukis.
- ii. Dari A, satu sudut  $BAX = 60^\circ$  dibina.
- iii. Dari A, jejari  $60 \text{ mm}$ , satu lengkok lagi dibina yang memotong lengkok dari AX di C.
- iv. Titik B dan C disambungkan.
- v. Akhirnya ABC adalah satu segitiga yang diberi dua sempadan dan salah satu sudut tapak seperti dalam rajah 2.17.



**Rajah 2.17 Membina segitiga diberi dua ukuran sempadan dan salah satu sudut tapak**

**E. Membina segitiga diberi ukuran tapak dan kedua-dua sudut tapak.**


Langkah – langkahnya:

- i. Satu garisan tapak  $AB = 65 \text{ mm}$  dilukis.
- ii. Dari A, sudut  $BAY = 32^\circ$  dilukis dengan menggunakan jangka sudut.
- iii. Dari B, sudut  $ABX = 48^\circ$  dilukis dengan menggunakan jangka

sudut.

iv. Akhirnya kedua-dua binaan garisan tersebut akan bersilang di C.

v. ABC adalah segitiga yang diberi ukuran tapak dan kedua-dua sudut tapak seperti dalam rajah 2.18. Rajah 2.17 Membina segitiga diberi dua ukuran sempadandan salah satu sudut tapak.




**Rajah 2.18 Membina segitiga diberi ukuran tapak dan kedua-dua sudut tapak.**

#### **F. Membina segitiga diberi ukuran tapak, ketinggian dan salah satu sudut tapak.**

Langkah – langkahnya:

- i. Satu garisan tapak  $AB = 75 \text{ mm}$  dilukis.
- ii. Dengan berjejarikan ketinggian  $60 \text{ mm}$ , satu lengkok dibina di atas garis tapak AB dan satu garis selari dilukis di atasnya.
- iii. Dari A, satu sudut  $BAX = 70^\circ$  dibina dengan menggunakan jangka sudut, yang mana akan memotong garisan selari di C.
- iv. Titik B dan C disambungkan.
- v. Akhirnya ABC adalah satu segitiga yang diberi ukuran tapak, ketinggian dan salah satu sudut tapak seperti dalam rajah 2.19






**Rajah 2.19 Membina segitiga diberi ukuran tapak, ketinggian dan salah satu sudut tapak.**

### **2.3.3. SEGIEMPAT.**

#### **A. Membina segiempat sama diberi panjang sempadan.**

Langkah – langkahnya:.

- i. Satu sempadan AB di lukis.
- ii. Dari A, satu garisan tegak dibina.
- iii. Berjejarikan AB, sempadan AD di tanda.
- iv. Berpusatkan di B dan D dan berjejarikan panjang sempadan, lengkok-lengkok persilangan dibinapada C.
- v. Akhirnya ABCD adalah segiempat sama sepertidalam rajah 2.20.




**Rajah 2.20 Membina segiempat sama diberi panjang sempadan**

## **B. Membina segiempat sama diberi pepenjuru.**

Langkah – langkahnya:.

- i. Satu pepenjuru PR yang diberi dilukis.
- ii. Seterusnya garis tengah PR dibina.
- iii. Dengan berjejarikan TP (  $TP = TR$  ), TQ dan TS ditanda.
- iv. Seterusnya titik-titik tersebut disambung dan membentuk segiempat seperti dalam rajah 2.21.




**Rajah 2.21 Membina segiempat sama diberi pepenjuru**

## **C. Membina segiempat bujur diberi pepenjuru dan salah satu sempadan.**

Langkah – langkahnya:.

- i. Satu pepenjuru PR dilukis.
- ii. Seterusnya garis tengah PR dibina.
- iii. Berjejarikan TP (  $TP = TR$  ) dan berpusatkan T, satu bulatan dibina.
- iv. Dengan berjejarikan panjang sempadan yang diberi, lengkok dilukis yang memotong lilitan bulatan di Q dan S.
- v. PQRS adalah segiempat bujur seperti dalam rajah 2.22.




**Rajah 2.22 Membina segiempat bujur diberi pepenjuran salah satu sempadan**

**D. Membina rombus diberi pepenjuru dan sempadan.**

Langkah – langkahnya:

- i. Satu pepenjuru PR dilukis.
- ii. Dari P dengan berjejarikan ukuran sempadan yangdiberi, satu lengkok dibina di atas dan di bawahsupaya kedua – duanya bersilang di Q dan S.
- iii. PQRS adalah rombus seperti dalam rajah 2.23.




**Rajah 2.23 Membina rombus diberi pepenjuru dan sempadan**

**E. Membina segiempat selari diberi dua sempadan dan satu sudut.**

Langkah – langkahnya:.

- i. Salah satu sempadan yang diberi PQ dilukis
- ii. Dari Q, satu sudut yang diberi dilukis.
- iii. Dengan panjang sempadan yang satu lagi ditandakan QR.
- iv. Dari R, berjejarian PQ, satu lengkok dilukis.
- v. Dari P, berjejarian QR. Satu lengkok dilukis yang memotong lengkok dari R di S.
- vi. PQRS adalah segiempat selari seperti dalam rajah 2.24.




**Rajah 2.24 Membina segiempat selari diberi dua sempadan dan satu sudut**

**F. Membina sebuah trapezoid diberi sempadan-sempadan yang selari, tinggi tegak dan salah satu sudut.**

Langkah – langkahnya:.

- i. Satu sempadan PQ dilukis.
- ii. Dengan berjejarian tinggi tegak trapezoid, lengkok-lengkok dibina untuk mendapatkan garisan yang selari dengan PQ.
- iii. Seterusnya sudut dibina dari Q supaya memotong garis yang selari dengan PQ di R.

- iv. Akhirnya tandakan panjang RS yang diberi.
- v. PQRS adalah trapezoid seperti dalam rajah 2.25.




**Rajah 2.25 Membina sebuah trapezoid diberi sempada-sempadanyang selari, tinggi tegak dan salah satu sudut**

### 2.3.4 POLIGON

#### **A. Membina segilima sama diberi ukuran sempadan.**

Langkah – langkahnya:

- i. Satu sempadan AE dilukis.
- ii. Garis AE tersebut dibahagikan kepada dua.
- iii. Dari A, sudut  $45^\circ$  dibina supaya memotong garistengah AE di 4.
- iv. Dari E pula, sudut  $60^\circ$  dibina supaya memotong garistengah AE di 6.
- v. Selepas itu, garis antara 4 dan 6 dibahagikan kepadadua iaitu titik 5.
- vi. Dengan berpusatkan titik 5, satu bulatan dibina yangmenyentuh titik A dan E.
- vii. Akhirnya dengan menggunakan jejari sempadan yangdiberi, setiap sempadan ditandakan iaitu, A ke B, B keC, C ke D dan D ke E sehingga membentuk segilimasama seperti dalam rajah 2.26.




**Rajah 2.26 Membina segilima sama diberi ukuran sempadan**

**B. Membina segilima sama dalam sebuah bulatan diberi ukuran garis pusat.**

Langkah – langkahnya:

- i. Satu bulatan dilukis dengan garis pusat AP.
- ii. Selepas itu, AP dibahagikan kepada bilangan mengikut sempadan segibanyak. Untuk segilima, ianya dibahagikan kepada 5 bahagian yang sama.
- iii. Dengan menggunakan pusat P dan A, dan berjejarikan AP, sebarang lengkok dibina dan kedua-duanya akan bersilang di Q.
- iv. Selepas itu, Q disambungkan ke nombor 2 sehingga memotong lilitan bulatan di B.
- v. Akhirnya AB adalah sempadan. Dengan menggunakan jejari AB, setiap sempadan ditandakan A ke B, B ke C, C ke D dan D ke E sehingga membina segilima seperti dalam rajah 2.27.




**Rajah 2.27 Membina segilima sama dalam sebuah bulatan diberi ukuran garis pusat**

**C. Membina segienam diberi ukuran sempadan.**

Langkah –langkahnya:

- i. Satu bulatan dilukiskan dengan berjejarikan sempadan yang diberi.
- ii. Dengan berjejarikan sempadan tersebut, dari sebarang titik pada lilitan bulatan ditandakan kepada enam bahagian di sekeliling bulatan di A, B, C, D, E, dan F.
- iii. Selepas itu, titik-titik A, B, C, D, E dan F disambungkan dan berakhir di A sehingga membentuk segienam sama seperti dalam rajah 2.28.




**Rajah 2.28 Membina segienam diberi ukuran sempadan**

**D. Membina segienam diberi ukuran garis pusat.**

Langkah – langkahnya:

- i. Satu bulatan dengan garis pusat yang diberi dibina.
- ii. Dengan menggunakan sesiku  $30^\circ$ , garis sentuh dilukiskan kepada bulatan tersebut sehinggalah membentuk segienam sama.
- iii. Akhirnya ABCDEF ialah segienam sama yang diberi ukuran garis pusat seperti dalam rajah 2.29.




**Rajah 2.29 Membina segienam diberi ukuran garis pusat**



### E. Membina segitujuh sama diberi ukuran sempadan.

Langkah – langkahnya:

- i. Satu garis AB dengan ukuran sempadan yang diberidilukis .
- ii. Berpusatkan di B dan berjejarian BA, separuhbulatan dilukis supaya bersilang di Q.
- iii. Selepas itu, separuh bulatan itu dibahagikan padajumlah bilangan sempadan poligon(  $180^\circ / 7$  ).
- iv. Dari B garisan ke 2 dilukis untuk membentuksempadan yang seterusnya.
- v. Seterusnya AB dan B2 dibahagikan kepada duasupaya bersilang di P.
- vi. Berpusatkan P dan berjejarian PA satu bulatandilukis.
- vii. Akhirnya dengan ukuran AB, setiap sempadanditanda sehingga membentuk segitujuh samaABCDEF G seperti dalam rajah 2.30.




**Rajah 2.30** Membina segitujuh sama diberi ukuran sempadan

## **F. Membina segilapan sama diberi ukuran pepenjuru.**

Langkah – langkahnya:

- i. Satu bulatan dilukis yang bergaris pusatkan pepenjuru yang diberi iaitu AE.
- ii. Garis tepat CG dibina dengan garis AE.
- iii. Selepas itu keempat-empat sukuan dibahagikan kepada dua bahagian sehingga memotong lilitan bulatan di B, D, F, dan H.
- iv. Selepas itu kesemua titik-titik A, B, C, D, E, F, dan G disambungkan sehingga membentuk segilapan seperti dalam rajah 2.31.




**Rajah 2.31 Membina segilapan sama diberi ukuran pepenjuru**

### 2.3.5 ELIPS

#### A. Membina elips dengan menggunakan dua bulatan padasatu pusat.

Langkah – langkahnya:

- i. Dua bulatan dilukis dengan jejari yang diberi padasatu pusat.
- ii. Selepas itu, bulatan tersebut dibahagikan kepada 12sektor yang sama.Ini bergantung kepada besarnyaelips tersebut.
- iii. Garisan-garisan pembahagi sektor itu akanmemotong bulatan kecil dan bulatan besar.
- iv. Seterusnya, garisan mendatar dan garisan menegakdilukis pada titik-titik persilangan tadi.
- v. Akhirnya, titik-titik persilangan antara garisanmendatar dan garisan menegak disambung sehinggamembentuk elips yang lengkap seperti dalam rajah2.32.




**Rajah2.32 Membina elips dengan menggunakan dua bulatan padasatupusat.**

## **B. Membina elips diberi segiempat tepat.**

Langkah – langkahnya:

- i. Satu segiempat tepat dibina dengan panjangnya sebagai paksi besar dan lebarnya sebagai paksi kecil.
- ii. Paksi besar dan paksi kecil tadi dibahagikan kepada bilangan yang sama.
- iii. Seterusnya dari titik A dan B akan disambung kepada titik pembahagi paksi besar dan paksi kecil.
- iv. Akhirnya titik – titik persilangan disambung sehingga membentuk sebuah elips seperti dalam rajah 2.33.




**Rajah 2.33 Membina elips diberi segiempat tepat**

## **C. Membina elips diberi paksi besar dan paksi kecil.**

Langkah – langkahnya:

- i. Satu paksi besar dan paksi kecil dibina iaitu CD dan AB.
- ii. Selepas itu, separuh bulatan dilukis dengan berjejarian  $\frac{1}{2}$  paksi besar dan berpusatkan di T.

- iii. CA dan AD disambungkan.
- iv. Berjejarikan AS, satu lengkok dibina yang memotong AC dan AD di E dan F.
- v. Selepas itu, CE dan FD dibahagikan kepada dua supaya memotong CT dan TD di G dan H serta bersilang di I.
- vi. Berjejarikan IA, satu lengkok dibina diantara dua garisan pembahagi.
- vii. Berjejarikan GC dan HD dan berpusatkan G dan H, satu lengkok dibina untuk melengkapkan separuh elips.
- viii. Akhirnya langkah iii hingga vii diulang bagi melengkapkan elips yang separuh lagi seperti dalam rajah 2.34.




**Rajah 2.34 Membina elips diberi paksi besar dan paksi kecil**

#### **D. Membina elips dengan gambarajah segiempat samaisometrik.**

Langkah – langkahnya:

- i. Satu segiempat sama ABCD dibina yang diberi dalam pandangan isometrik.

- ii. Keempat - empat sempadan segiempat dibahagikan dua di P, Q, R dan S.
- iii. Berjejarikan BS (  $BS = Br$  ) dan berpusatkan B, satu lengkok dibina dari S ke R, berjejarikan DQ (  $DQ = DP$  ) dan berpusatkan D, satu lengkok dibina dari Q ke P.
- iv. Akhirnya berpusatkan T dan U dan berjejarikan TP (  $TP = TS$  ) dan UQ (  $UQ = UR$  ) satu lengkok lagi dibina bagi melengkapkan bentuk elips seperti dalam rajah 2.35.




**Rajah 2.35 Membina elips dengan gambarajah segiempat samaisometrik**


## UNIT 3 : KETANGENAN

### 3.0 PENGENALAN


Apabila satu garisan lurus bersentuhan dengan lengkok atau bulatan, garisan itu dikenal sebagai garisan tangen. Rajah 3.1(a) menunjukkan satu garisan lurus menyentuh bulatan. Titik dimana garis tangen menyentuh lilitan bulatan dinamakan titik sentuhan. Garisan yang menyambungkan pusat bulatan dengan titik sentuhan dinamakan garis normal. Garisan normal berserenjang kepada garisan tangen. Ketangenan boleh juga berlaku di antara dua lengkok atau dua bulatan seperti yang ditunjukkan dalam rajah 3.1(b) dan 3.1(c) atau antarlengkuk dua bulatan. Titik sentuhannya iaitu P dinamakan titik tangen. Rajah 3.1(b) menunjukkan dua bulatan yang menyentuh di sebelah luar, titik sentuhannya terletak pada garisan yang menyambungkan pusat bagi bulatan itu. Jarak di antara pusat bulatan ialah  $(R + r)$ . Rajah 3.1(c) menunjukkan dua bulatan yang menyentuh di sebelah dalam. Titik sentuhannya terletak pada garisan yang menyambungkan pusat bulatan dan garisan itu dipanjangkan. Jarak di antara pusat bulatan itu ialah  $(R - r)$ .



**Rajah 3.1 (a) Satu garisan lurus menyentuh bulatan**



Rajah 3.1(b) Dua bulatan yang menyentuh di sebelah luar




Rajah 3.1 (c) Dua bulatan yang menyentuh di sebelah dalam

### 3.1 PEMBINAAN GARISAN TANGEN

Pembinaan garisan tangen dengan menggunakan jangka lukis dan peralatan lukisan yang lain.

#### 3.1.1 Garisan Bertangen Kepada Bulatan atau Lengkuk.

(a) Membina tangen melalui titik T pada lilitan bulatan.




Rajah 3.2 Membina tangen melalui titik T pada lilitan bulatan



Langkah – langkahnya.

1. Lukis bulatan yang diberi pusatnya di P.
2. Tandakan titik T di lilitan bulatan.
3. Sambungkan PT dan panjangkan hingga ke R di mana  $TR = TP$ .
4. Bahagi dua RP dan lukiskan tangen melalui titik T pada bulatan. XY adalah tangen yang dikehendaki.

**(b) Membina tangen pada bulatan dari titik T**




**Rajah 3.3 Membina tangen pada bulatan dari titik T**

Langkah – langkahnya.

1. Lukiskan bulatan yang diberi pusatnya di P.
2. Tandakan titik T yang diberi dan sambungkan T dan P.
3. Bahagi dua garis TP di R.
4. Berpusatkan R dan berjejarian RT ( $RT=RP$ ), lukiskan separuh bulatan memotong bulatan di X.
5. Panjangkan TX hingga ke Y. TXY ialah tangen yang dikehendaki.

### 3.1.2 Garisan Bertangen Kepada Dua atau Lebih Bulatan/Lengkuk.

(a) Membina tangen luar diberi dua bulatan yang sama.




**Rajah 3.4 Membina tangen luar diberidua bulatan yang sama**

Langkah – langkahnya

1. Lukiskan dua bulatan yang diberi pada jarak yang dikehendaki.
2. Sambungkan kedua-dua pusat T<sub>1</sub> dan T<sub>2</sub>.
3. Pada tiap-tiap pusat, bina garis tegak supaya memotong lilitan bulatan di titik sentuhan (titik tangen) M dan N. MN adalah tangen yang dikehendaki.
4. Sambungkan MN.

**(b) Membina tangen dalam pada dua bulatan yang mempunyai jejari sama.**




\* Garis  $T_2S$  dan  $TT_2$  adalah selari

**Rajah 3.5 Membina tangen dalam pada dua bulatan yang mempunyai jejari sama.**

Langkah – langkahnya:

1. Lukiskan dua bulatan pada jarak yang dikehendaki.
2. Sambungkan kedua-dua pusat bulatan  $T_1$  dan  $T_2$ .
3. Bahagi dua garisan  $T_1T_2$  di  $P$ .
4. Bahagi dua garisan  $T_1P$  di  $Q$  dan  $T_2P$  di  $R$ .
5. Dengan berpusatkan  $Q$  dan  $R$ , lukis bulatan untuk mendapatkan titik persilangan  $S$  dan  $T$ . Garis  $ST$  adalah tangen dalam yang dikehendaki.

(c) Membina tangen luar pada dua bulatan , mempunyai jejari yang berbeza.




\*Garis  $T_1 R$  dan  $T_2 S$  adalah selari

**Rajah 3.6 Membina tangen luar pada dua bulatan, mempunyai jejari yang berbeza**

Langkah – langkahnya:

1. Lukiskan dua bulatan yang berjejari  $J_1$  dan  $J_2$  pada jarak yang dikehendaki.
2. Sambungkan kedua-dua pusat bulatan  $T_1$  dan  $T_2$ .
3. Bahagi dua garis  $T_1 T_2$  di  $P$ .
4. Berpusatkan  $P$  dan berjejari  $PT_1$  ( $PT_1 = PT_2$ ), Lukiskan bulatan atau separuh bulatan.
5. Berpusatkan  $T_1$  dan berjejari  $J_1 - J_2$ , lukiskan bulatan yang memotong separuh bulatan di  $Q$ .
6. Sambungkan  $T_1 Q$  sehingga memotong bulatan besar di  $R$ , iaitu titik tangen pada bulatan besar.
7. Lukiskan  $T_2 S$  selari dengan  $T_1 R$  untuk mendapatkan titik tangen pada bulatan kecil. Garis  $RS$  adalah tangen yang dikehendaki.

**(d) Membina tangen dalam pada dua bulatan yang mempunyai jejari yang tak sama.**




**Rajah 3.7 Membina tangen dalam pada dua bulatan yang mempunyai jejari yang tak sama**

Langkah – langkahnya:

1. Lukiskan dua bulatan yang berjejari  $J_1$  dan  $J_2$  pada jarak yang dikehendaki.
2. Sambungkan kedua-dua pusat bulatan  $T_1$  dan  $T_2$ .
3. Bahagi dua garis  $T_1T_2$  di  $P$ .
4. Berpusatkan  $P$  dan berjejari  $PT_1$  ( $PT_1 = PT_2$ ), lukiskan separuh bulatan.
5. Berpusatkan  $T_1$  dan berjejari  $J_1 + J_2$ , lukiskan bulatan yang memotong separuh bulatan di  $Q$ .
6. Sambungkan  $T_1Q$ . Ia memotong bulatan besar di tangen titik  $R$ .
7. Lukiskan  $T_2S$  selari dengan  $T_1R$  untuk mendapatkan titik tangen  $S$  pada bulatan kecil.  $RS$  adalah tangen dalam yang dikehendaki.

### 3.1.3 Bulatan Bertangen kepada dua garis lurus.

(a) Membina satu bulatan bertangen kepada dua garisan menumpu dan menyentuh kepada satu titik yang diberi:




**Rajah 3.8 Membina satu bulatan bertangen kepada dua garisan menumpu dan menyentuh kepada satu titik yang diberi**

Langkah-langkahnya:

1. Binakan garisan menumpu BA dan CA, dengan titik T pada garisan BA.
2. Bahagikan kepada dua sudut BAC.
3. Pada titik T binakan satu garis lurus bersudut tepat supaya memotong pada titik O.
4. Berpusatkan O dan berjejarkan OT, bina satu bulatan menyentuh titik T. Bulatan ini bertangen kepada dua garisan menumpu seperti dalam rajah 3.8.

**(b) Membina satu bulatan bertangen kepada dua garisan menumpu diberi jejari bulatan.**




**Rajah 3.9 Membina satu bulatan bertangen kepada dua garisan menumpu diberi jejari bulatan**

Langkah- langkahnya:

1. Bina garisan menumpu BA dan CA dengan jejari bulatan  $J$  diberi.
  2. Bahagi dua sama sudut BAC dengan menggunakan jangka lukis.
  3. Lukis dua lengkok di hujung garis CA dengan jejari  $J$  yang diberi.
  4. Sambungkan puncak kedua-dua lengkok supaya memotong pada titik O.
- Berpusatkan O bina bulatan yang berjejari  $J$  supaya menyentuh dua garisan menumpu seperti dalam rajah 3.9.

**(c) Membina bulatan bertangen kepada dua garisan menumpu serta melalui satu titik diberi di antaranya.**




**Rajah 3.10 Membina bulatan bertangen kepada dua garisan menumpu serta melalui satu titik diberi di antaranya**

Langkah-langkahnya:

1. Diberi ialah dua garisan menumpu serta satu titik T di antaranya.
2. Bahagi dua sama buka sudut dua garisan menumpudan sambungkan titik B kepada titik T.
3. Dari sebarang titik pada pembahagi dua sama sudut, lukiskan satu bulatan pusatnya X supaya menyentuh garis AB dan CB dan memotong pada titik Y. Sambungkan titik X Y.
4. Unjurkan garisan XY supaya selari melalui titik T dan memotong pada titik O. Berpusatkan titik O lukis bulatan supaya menyentuh titik T dan garis AB dan CB seperti dalam rajah 3.10.



**(d) Membina satu bulatan bertangen kepada bulatan diberi dan dua garisan lurus menumpu.**



**Rajah 3.11 Membina satu bulatan bertangen kepada bulatan diberi dan dua garisan lurus menumpu**

Langkah- langkahnya:

1. Diberi ialah satu bulatan bertangen kepada dua garisan menumpu AB dan CB.
2. Bahagikan dua sama buca sudut garisan menumpu supaya memotong pada titik U dan Y, sambungkan TU. Melalui titik T bina garis bersudut tepat supaya memotong pada titik O, sambungkan TO.
3. Lukiskan XY selari dengan TU dan XZ selari dengan TO.
4. Berpusatkan titik Z lukis bulatan jejari ZY supaya menyentuh bulatan diberi dan dua garis lurus menumpu (AB & CB) seperti dalam rajah 3.11.

### 3.2 PEMBINAAN LENGKUK BERTANGEN PADA DUA BULATAN


Anda telah pun membina garisan tangen kepada bulatan. Pembelajaran kita seterusnya akan menyentuh pula satu lagi tangen iaitu lengkok bertangen kepada bulatan. Lengkok adalah sebahagian daripada bulatan. Lengkok biasanya digunakan bagi melukis komponen kejuruteraan dimana kebanyakan binaannya terdiri daripada garisan lurus dan lengkok. Lengkok-lengkok yang terdapat dalam komponen ini mungkin digunakan bagi mencantikkan bentuknya, ciri-ciri keselamatan, reka bentuk yang diperlukan bagi penggunaan semasa dan sebagainya. Lengkok bertangen boleh dibahagikan kepada dua jenis iaitu, lengkok bertangen didalam bulatan dan lengkok bertangen diluar bulatan.

#### 3.2.1 Lengkok Bertangen Pada Satu Bulatan.

**a) Membina lengkok jejari  $r$  unit, yang bertangen didalam satu bulatan, jejari  $R$  unit, pada titik  $P$  dililitan bulatan.**

Langkah-langkahnya:

1. Lukiskan bulatan yang diberi, pusatnya  $O$ .
2. Tandakan titik  $P$  di garisan bulatan dan kemudian sambungkan  $OP$ .
3. Dengan menggunakan  $O$  sebagai pusat dan jejari  $(R - r)$ , lukiskan lengkok supaya menyilang di  $OP$  pada  $Q$ .
4. Dengan menggunakan  $Q$  sebagai pusat dan jejari  $r$  unit, lukiskan lengkok yang dikehendaki seperti dalam rajah 3.12.




**Rajah 3.12 Membina lengkok jejari  $r$  unit, yang bertangen didalam satu bulatan, jejari  $R$  unit, pada titik P di lilitan bulatan**

**b) Membina lengkok jejari  $r$  unit, yang menyentuh sebelah luar bulatan, jejari  $R$  unit, pada titik P dililitan bulatan.**

Langkah-langkahnya:

1. Lukiskan bulatan yang diberi, pusatnya O.
2. Tandakan titik P. Sambungkan OP dan panjangkan ke A.
3. Dengan menggunakan O sebagai pusat dan  $(R + r)$  sebagai jejari, lukiskan lengkok supaya menyilang OA pada S.
4. Dengan menggunakan S sebagai pusat dan jejari  $r$  unit, lukiskan bulatan yang dikehendaki.




**Rajah 3.13 Membina lengkok jejari  $r$  unit, yang menyentuh sebelah luar bulatan, jejari  $R$  unit, pada titik  $P$  di lilitan bulatan**

### 3.2.2 Lengkok Bertangen Pada Dua Bulatan

**a) Membina lengkok diberi jejari bertangen dalam kepada dua bulatan yang diberi.**

Langkah-langkahnya:

1. Lukiskan dua bulatan yang berjejari  $R$  dan  $r$  berpusat di  $A$  dan  $B$ .
2. Diberi jejari lengkok  $J$ .
3. Berpusatkan di titik  $A$ , lukis lengkok jejari yang bersamaan dengan jejari bulatan ditolak dengan jejari  $J$ .
4. Berpusatkan di titik  $B$ , lukis lengkok jejari yang bersamaan dengan jejari bulatan ditolak dengan jejari  $J$  supaya memotong pada titik  $O$ .
5. Berpusatkan di titik  $O$ , lukis lengkok jejari  $J$  supaya menyentuh dua bulatan diberi seperti dalam rajah 3.14.




**Rajah 3.14 Membina lengkok diberi jejari bertangen dalam kepada dua bulatan yang diberi**

**b) Membina lengkok diberi jejari bertangen luar kepada dua bulatan yang diberi.**

Langkah – langkahnya:

1. Lukiskan dua bulatan yang berjejari R dan r berpusatdi A dan B.
2. Diberi jejari lengkok J.
3. Berpusatkan dititik A lukis lengkok jejarnya bersamaan dengan jejari bulatan ditambah dengan jejari J.
4. Berpusatkan dititik B lukis lengkok jejarnya bersamaan dengan jejari bulatan ditambah dengan jejari J supaya memotong pada titik O.
5. Berpusatkan dititik O, lukiskan lengkok jejarnya J supaya menyentuh dua bulatan diberi seperti dalamrajah 3.15.



**Rajah 3.15 Membina lengkok diberi jejari bertangen luar kepada dua bulatan yang diberi**

### **3.3 PEMBINAAN LENGKOK PADA DUA GARISAN YANG BERSUDUT**


Anda telah pun melukis lengkok bertangen kepada bulatan. Seterusnya anda akan melukis lengkok pada dua garisan yang bersudut. Terdapat tiga keadaan lengkok bertangen pada dua garisan iaitu lengkok bertangen kepada dua garisan menumpu dalam sudut tirus, lengkok bertangen kepada dua garisan menumpu dalam sudut cakah dan lengkok bertangen kepada dua garisan yang bersudut tepat.

#### **3.3.1 Membina Satu Lengkok Bertangen Kepada Dua Garisan Menumpu Dalam Satu Sudut Tirus.**

Langkah- langkahnya:

1. Lukiskan garisan menumpu AB, BC dalam buka sudut tirus dan diberi jejari J.
2. Lukiskan satu garisan selari DE dengan garisan BC yang jaraknya jejari J.

3. Lukiskan satu garisan selari FG dengan garisan AB yang jaraknya jejari J supaya memotong pada titik O.
4. Berpusatkan titik O lukis satu lengkok yang jejaringnya J supaya menyentuh dua garisan menumpu yang diberi seperti dalam rajah 3.16.




**Rajah 3.16 Membina satu lengkok bertangen kepada dua garisan menumpu dalam satu sudut tirus**

### **3.3.2 Membina Satu Lengkok Bertangen Kepada Dua Garisan Menumpu Dalam Satu Sudut Cakah.**

Langkah – langkahnya:

1. Lukiskan garisan menumpu AB, BC dalam buka sudut cakah dan diberi jejari J.
2. Lukiskan satu garisan selari DE dengan garisan BC yang jaraknya jejari J.
3. Lukiskan satu garisan selari FG dengan garisan AB yang jaraknya jejari J supaya memotong pada titik O.
4. Berpusatkan titik O lukis satu lengkok yang jejaringnya J supaya menyentuh dua garisan menumpu yang diberi seperti dalam rajah 3.17.




**Rajah 3.17 Membina satu lengkok bertangen kepadadua garisan menumpu dalam satu sudut cakah**

### **3.3.3 Membina Satu Lengkok Bertangen Kepada Dua Garisan Yang Bersudut Tepat.**

Langkah – langkahnya:

1. Lukiskan garisan bersudut tepat AB, BC.
2. Berpusatkan dititik B bina satu lengkok dengan jejaringnya Jsupaya memotong pada titik D dan E.
3. Berpusatkan titik D, lukis satu lengkok jejaringnyaJ.Berpusatkan dititik E juga lukiskan lengkok jejaringnya Jsupaya memotong pada titik O.
4. Berpusatkan dititik O lukiskan lengkok berjejari J supayamenyentuh dua garisanbersudut tepat seperti dalam rajah3.18.





Rajah 3.18 Membina satu lengkok bertangen kepada dua garis yang berdudut tepat

## UNIT 4 : UNJURAN ORTOGRAFIK

### 4.0 PENGENALAN


Lukisan Unjuran ortografik bolehlah dianggapkan sebagai lukisan dua dimensi kerana objek yang dilukis dengan kaedah ini akan memberikan dua dimensi

ukuran iaitu lebar dan tinggi, atau panjang dan tinggi sesuatu objek. Perkataan unjuran seringkali digunakan dalam lukisan pandangan ortografik


bagi menggambarkan kaedah bagaimana lukisan itu dibina. Sesuatu arah pandangan objek yang dilihat akan diunjurkan ke suatu permukaan atau rata yang bersudut tepat dengan objek itu. Dari rata ini bentuk pandangan itu diperolehi. Ini bererti bentuk lengkung dan sudut mungkin berupa garisan lurus dari sesuatu arah pandangan.

Terdapat dua prinsip unjuran yang digunakan dalam unjuran ortografik iaitu :-

- i. Prinsip unjuran berpusat seperti dalam rajah 4.1.
- ii. Prinsip unjuran selari seperti dalam rajah 4.2.



**Rajah 4.1 Prinsip unjuran berpusat**




Rajah 4.2 Prinsip unjuran selari

#### 4.1 KONSEP UNJURAN ORTOGRAFIK

Unjuran Ortografik berdasarkan kepada tiga konsep utama iaitu :


- i. Si pemandang (arah pandangan)

Berdasarkan kepada konsep arah pandangan, setiap pandangan ortografik dapat dihasilkan dengan mengunjurkan garisan – garisan unjuran yang bersudut tepat kepada satah unjuran dari objek berkenaan. Pandangan yang dihasilkan pada satah unjuran hadapan dinamakan pandangan hadapan, seperti dalam rajah 4.3.




Rajah 4.3 Pandangan hadapan

Mengikut konsep unjuran, tiap – tiap pandangan memerlukan satusatah unjuran. Oleh itu jika satu satah unjuran yang mengufukdiletakkan di atas objek, satu lagi pandangan boleh diunjurkanpada satah tersebut. Pandangan ini dinamakan pandangan atas,seperti dalam rajah 4.4.




**Rajah 4.4 Pandangan hadapan dan pandangan atas**

Satu lagi arah pandangan diperlukan bagi melengkapkangambaran sepenuhnya sesuatu objek. Iaitu pandangan sisi kanan,seperti dalam rajah 4.5.



**Rajah 4.5 Pandangan atas, hadapan dan sisi**


Sebenarnya jika sesuatu objek dibayangkan terletak di dalam satu kotak kaca, permukaan kotak itu boleh dianggap sebagai satu sahaja unjuran. Sebanyak enam pandangan yang dapat ditunjukkan pada permukaan kaca itu, keenam – enam pandangan ini dinamakan pandangan ortografik utama, seperti dalam rajah 4.6.



**Rajah 4.6 Pandangan utama ortografik**

## ii. Satah Unjuran.


Konsep Ortografik ternyata menggunakan satah unjuran dan pandangan objek yang diunjurkan pada satah tersebut. Satahunjuran utama terdiri daripada dua jenis, iaitu satah tegak dan satah mengufuk. Persilangan antara satah unjuran ini menghasilkan empat sukuan, seperti dalam rajah 4.7.



**Rajah 4.7 Satah unjuran dan sudut unjuran ortografik**

## iii. Objek ( benda yang dilukis )

Objek adalah benda yang akan dilukis dalam unjuran pertama atau unjuran ketiga. Objek yang dilukis biasanya mempunyai beberapa bentuk yang akan menguji pelukis dalam mendapatkan setiap pandangan, seperti rajah 4.8.




**Rajah 4.8 Contoh objek**

## **4.2 JENIS-JENIS PANDANGAN UNJURAN ORTOGRAFIK.**

### **4.2.1 Pelan**

Pandangan pelan atau pandangan atas menunjukkan bahagian atas sesuatu objek tetapi ini tidak bermakna pandangan dari arah bawah tidak terpilih. Pandangan pelan yang dipilih masih mengutamakan arah pandangan yang dapat menunjukkan bentuk-bentuk objek dengan garisan nyata lebih banyak daripada garisan tersembunyi, tetapi kelazimannya arah pandangan yang dipilih ialah dari sebelah atas. Pandangan dari arah ini dapat menunjukkan ukuran panjang dan lebar objek, seperti rajah 4.9.




**Rajah 4.9 Pandangan arah pelan**

#### **4.2.2 Hadapan**

Arah pandangan hadapan sesuatu objek dipilih berdasarkan arah yang dapat menunjukkan ukuran panjang dan tinggi keseluruhan sesuatu objek sesuai dengan kedudukan objek itu, seperti dalam rajah 4.10. Pemilihan arah ini juga mengambil kira arah yang boleh menampakkan bahagian – bahagian objek secara terus bukan secara tersembunyi, atau dalam istilah lukisan bahagian – bahagian ini paling banyak diwakili oleh garisan nyata dan bukannya garisan tersembunyi.






**Rajah 4.10 Pandangan arah hadapan**

### **4.2.3 Sisi**

Arah pandangan sisi yang dipilih biasanya mewakili dimensi lebarnya dan tinggi objek itu. Pemilihan arah pandangan sisi ini bergantung pada arah mana yang dapat menunjukkan bahagian – bahagian objek yang lebih banyak dengan garisan nyata berbanding dengan garisan tersembunyi, seperti dalam rajah 4.11.



**Rajah 4.11 Pandangan arah sisi**


### **4.3 JENIS-JENIS UNJURAN ORTOGRAFIK.**

Anda telahpun membina pandangan pelan, pandangan hadapan dan pandangan sisi. Pembelajaran kita seterusnya ialah menyentuh tentang jenis – jenis unjuran ortografik. Unjuran ortografik boleh dibahagikan kepada dua jenis iaitu :

- i. Unjuran sudut pertama
- ii. Unjuran sudut ketiga

#### 4.3.1 Unjuran sudut pertama.


Unjuran ini merupakan unjuran yang terawal dan tertua digunakandalam lukisan kejuruteraan. Lukisan dalam sudut unjuran inidianggap sebagai unjuran piawai tradisi British dan Eropah untukkegunaan para arkitek dan jurutera.Satah – satah utama yang terdapat dalam sudut ini mempunyainamanya yang tersendiri, sesuai dengan peranannya.Kesemuasatah ini bertemu antara satu dengan lain pada sudut tepat.Rajah 4.12 menunjukkan contoh lukisan bergambar bagi sebuahobjek padu. Jika objek ini dilihat dari anak panah A, pandanganyang diperolehi ialah pandangan hadapan. Bentuk bahagian objekyang kelihatan dari pandangan ini diunjurkan kebelakang sehinggamenegenai satah menegak hadapan sebagaimana yang ditunjukkanoleh anak panah kecil.



**Rajah 4.12 Lukisan bergambar bagi sebuah objek padu**

Pelan bagi objek ini pula diperolehi apabila objek itu dilihat dari atas seperti yang ditunjukkan oleh anak panah B. Bahagian – bahagian yang kelihatan dari pandangan ini akan diunjurkan menegak

kebawah objek sehingga mencecah satah mengufuk sepertimanayang ditunjukkan oleh anak panah kecil. Pandangan sisi objek ini diambil dari arah C ( sebelah kiri objek ). Bentuk objek yang kelihatan dari pandangan ini akan diunjurkankesebelah kanan objek sehingga mengenai satah menegak sisi. Untuk menjadikan lukisan ini sebuah lukisan ortografik, kesemuapandangan tadi akan dibentangkan menjadi satu ratahan sahaja. Rajah 4.13 menunjukkan kedudukan satah yang telah dibuka dan berada dalam sudut pertama. Maka lukisan ini dinamakan lukisan ortografik sudut pertama. Setiap gambar rajah hendaklah diberitajuk agar pembaca tidak keliru.




**Rajah 4.13 Kedudukan satah dalam sudut pertama**

#### **4.3.2 Unjuran sudut ketiga.**


Unjuran sudut ketiga kadang kala dikenali juga sebagai unjuran Amerika. Kini penggunaannya telah meluas di serata dunia. Dalam lukisan unjuran sudut ketiga, objek yang hendak dilukis beradadalam satah sudut ketiga. Satah – satah yang berada dalam sudut ini dibayangkan seolah – olah diperbuat daripada bahan

lutcahayauntuk membolehkan objek itu dilihat menembusi satah – satahutamanya dari arah anak panah A, B dan C. Ketiga –tiga arahpandangan bagi objek ini akan diunjurkan ke hadapan objeksehingga mengenai dinding satahnya seperti yang ditunjukkan olehanak panah kecil, seperti dalam rajah 4.14.



**Rajah 4.14 Tiga pandangan dalam unjuran sudut ketiga**

Apabila lipatan pada satah setiap pandangan itu dibuka dandibentangkan menjadi satu rataan sahaja, lukisan ortografik sudutketiga akan terhasil, seperti dalam rajah 4.15.




**Rajah 4.15 Unjuran sudut ketiga yang dibentangkan**


#### **4.4 Dimensi piawai pada unjuran ortografik.**

##### **4.4.1 Dimensi**


Dimensi yang dilukiskan mestilah mematuhi peraturan – peraturandimensi. Seberapa boleh dimensi yang telah diberi pada sesuatuobjek hendaklah dikekalkan. Tujuannya ialah untuk memudahkankerja penyemakan lukisan disamping dapat mengelakkan daripadasalah ukuran atau membuat pengukuran yang berulang – ulang.Perlu diingat tulisan – tulisan yang digunakan tidak sampaimengganggu garisan – garisan objek atau garisan – garisan yangberkaitan dengan objek itu. Rajah 4.16, 4.17, 4.18 dan 4.19menunjukkan beberapa contoh kesalahan mendimensi yang biasadilakukan dan ditunjukkan juga bagaimana kesalahan – kesalahanutu dibetulkan.




Rajah 4.16 Pendimensian



Rajah 4.17 Pendimensian



Rajah 4.18 Pendimensian




**Rajah 4.19 Pendimensian**

#### **4.4.2 Garisan tersembunyi.**

Dalam lukisan unjuran ortografik, seberapa boleh semua bahagian sesuatu objek, mesin dan peralatan itu hendaklah ditunjukkan dengan menggunakan garisan nyata. Perkara ini tidak terkecuali pada bahagian – bahagian yang tersembunyi. Bahagian yang tersembunyi ini akan ditunjukkan juga dengan menggunakan garis putus – putus kecil. Berikut ini ditunjukkan secara bergambar setiap peraturan yang perlu dipatuhi semasa melukis garisan tersembunyi.


- i. Garisan tersembunyi yang berterusan dimulakan dengan sentuhan pada garisan nyata dan berakhir dengan sentuhan pada garisan nyata, seperti rajah 4.20.






**Rajah 4.20 Garisan tersembunyi yang berterusan**

- ii. Garisan tersembunyi yang memotong sebahagian objek hendaklah dimulakan bersentuhan dengan garisan nyata dan berakhir dengan membuat ruang ( tidak bersentuhan ) dengan garisan nyata, seperti rajah 4.21.




**Rajah 4.21 Garisan tersembunyi yang memotong sebahagian**

- iii. Jika dua atau lebih garisan tersembunyi bertemu pada satu tempat yang sama, garisan – garisan tersembunyi itu mestilah bersentuhan di antara satu dengan lain dan berakhir dengan sentuhan pada garisan nyata, seperti rajah 4.22.




**Rajah 4.22 Dua atau lebih garisan tersembunyi**

- iv. Garisan tersembunyi yang membentuk lengkok pada sudut tegak mestilah bersentuh pada permukaan dan padapengakhirnya dengan garisan nyata, seperti rajah 4.23.




**Rajah 4.23 Garisan tersembunyi yang membentuk lengkok**

- v. Garisan tersembunyi yang bertemu dengan garisan nyata pada pertengahan garisannya mestilah diberi ruang agar tidak bercantum dengan garisan nyata itu, seperti dalam rajah 4.24.




**Rajah 4.24 Garisan tersembunyi bertemu dengan garisan nyata**

- vi. Apabila garisan tersembunyi dan garisan nyata berada ditempat yang sama, maka garisan tersembunyi tidak perluditunjukkan, memadai dengan garisan nyata sahaja, sepertidalam rajah 4.25.




**Rajah 4.25 Garisan tersembunyi dan garisan nyata tempat yang sama**

- vii. Apabila garisan tengah dan garisan tersembunyi berada ditempat yang sama, lukiskan garisan tersembunyi sahaja dantidak perlu melukiskan garisan tengah, seperti dalam rajah4.26.




Rajah 4.26 Garisan tersembunyi dan garisan tengah tempat yang sama

- viii. Jika garisan nyata dan garisan tersembunyi bersilang, berikanlah ruang untuk garisan tersembunyi agar tidak bersentuhan dengan garisan nyata itu, seperti dalam rajah 4.27.



Rajah 4.27 Garisan tersembunyi dan garisan nyata bersilang


- ix. Jika dua garisan tersembunyi bersilang. Tinggalkan ruang pada garisan tersembunyi yang terpanjang di antara dua garisan yang tersembunyi itu, seperti dalam rajah 4.28.



**Rajah 4.28 Dua garisan tersembunyi bersilang**

#### 4.4.3 Garisan tengah.

Garisan tengah digunakan untuk menunjukkan tempat pandangan dan dimensi. Terdapat dua jenis garisan tengah iaitu garisan tengah premier dan garisan tengah sekunder. Garisan tengah premier menjadi penentu utama untuk memulakan lukisan sesuatu pandangan itu. Garisan tengah premier biasanya ditandakan dengan huruf "P" sementara garisan tengah sekunder ditandakan dengan huruf "S". Perlu diingatkan setiap garisan tengah perlu ditandakan dengan " " yang bererti garisan tengah. ( c = tengah dan L = garisan ), seperti dalam rajah 4.29.




**Rajah 4.29 Penandaan garisan tengah**

#### **4.4.4 Kaedah unjuran ketiga.**


Pandangan ketiga yang dimaksudkan di sini ialah pandangan sisi. Biasanya pandangan ini dilukis paling akhir kerana ukurannya boleh diperolehi daripada unjuran pandangan hadapan dan pandangan pelan. Terdapat berbagai – berbagai kaedah bagaimana ukuran untuk pandangan sisi ini diperolehi, antaranya:

- i. Menggunakan garisan bersudut  $45^\circ$ , seperti rajah 4.30.




**Rajah 4.30 Garisan bersudut 45°**

- ii. Menggunakan sesiku sudut 45°, seperti rajah 4.31.




**Rajah 4.31 Menggunakan sesiku sudut 45°**

- iii. Menggunakan pembahagi atau jangka lukis, seperti rajah 4.32.



Rajah 4.32 Menggunakan pembahagi atau jangka lukis



Rajah 4.33 Menggunakan kayu ukur




Antara kaedah yang dinyatakan diatas, kaedah kayu ukur merupakan cara yang paling tepat tetapi lambat. Kaedah – kaedah lain memerlukan kemahiran menggunakan alat lukisan sebelum hasil yang baik diperolehi. Ini disebabkan cara pemindahan ukuran ini dilakukan dengan bantuan alat lukisan bukan cara pengukuran terus.

#### **4.4.4 Bagaimana memulakan lukisan.**

Memang tidak ada satu ketetapan peraturan yang khusus bagaimana memulakan sesuatu lukisan. Yang pasti lukisan yang dilukis hendaklah bersih, tepat dan cepat. Berikut merupakan kaedah melukis unjuran ortografik secara bersistem.

##### **Langkah 1**


Arah pandangan hadapan, sisi dan pelan ditentukan terlebih dahulu. Jika ada arahan yang diberikan, arahan tersebut mestilah dipatuhi. Jika tidak ada arahan yang diberi, arah pandangan hadapan perlulah diambil dari arah yang mempunyai ukuran yang paling panjang, berada dalam kedudukan mendatar dan dapat menunjukkan bahagian – bahagian hadapan objek dengan garisannya yang banyak. Pandangan sisi pula diambil dari arah pandangan yang dapat menunjukkan bahagian – bahagian sisi dengan menggunakan garisan – garisan tersembunyi yang paling sedikit. Pandangan atas tidak perlu ditetapkan lagi kerana telah jelas berada pada arah atas objek itu. Ini dapat diperhatikan dalam rajah 4.34.



**Rajah 4.34 Menentukan arah-arrah pandangan**

## Langkah 2

Tentukan unjuran sudut pandangan yang hendak dilukis dan kemudian tentukan bilangan pandangan yang hendak dilukis, biasanya tiga arah pandangan sahaja seperti dalam rajah 4.35.




Objek ini memadai  
dilukis dengan  
tiga arah pandangan  
sahaja


**Rajah 4.35 Menentukan bilangan pandangan**

### Langkah 3

Tentukan kedudukan yang hendak dilukis, jika memerlukan jarak yang sama seperti unjuran ortografik sudut pertama, perkiraan perlulah dilakukan seperti rajah 4.36 dan rajah 4.37 untuk sudut ketiga. Setelah itu kotak – kotak disediakan untuk setiap pandangan dengan menggunakan pensil yang keras tetapi kabur seperti 4H, 2H atau 6H. Kotak – kotak yang dibina itu mestilah berdasarkan kepada ukuran yang terbesar dalam suatu pandangan.




**Rajah 4.36 Unjuran ortografik sudut pertama**



**Rajah 4.37 Unjuran ortografik sudut ketiga**

#### **Langkah 4**


Selepas itu, ukuran – ukuran asas setiap arah pandangan padakotak – kotak pandangan ditandakan, seperti rajah 4.38. Jika bolehkaedah pemindahan ukuran dengan menggunakan jangka lukis,sesiku sudut dan sesiku T digunakan. Dengan cara ini masa dapatdijimatkan.



**Rajah 4.38 pemindahan ukuran**

### Langkah 5


Seterusnya, bahagian – bahagian asas pandangan setiap kotakpandangan itu dilukiskan dengan menggunakan garisan yang halus, seperti rajah 4.39.



**Rajah 4.39 Menggunakan garisan yang halus**

### Langkah 6


Seterusnya semua ukuran ditanda pada setiap gambarajahpandangan termasuklah pusat bulatan , lengkok dan bahagian –bahagian yang bersudut, seperti rajah 4.40.



**Rajah 4.40 Penandaan ukuran**

### **Langkah 7**


Seterusnya bahagian – bahagian yang terdapat bulatan dan lengkok dilukis terlebih dahulu. Jika terdapat bulatan – bulatan yang sama garis pusatnya, bulatan tersebut dilukis terlebih dahulu supaya mengukur jejari setiap bulatan itu dapat dijimatkan, seperti rajah 4.41.



**Rajah 4.41 Melukis bulatan**

### Langkah 8


Seterusnya setiap garisan yang perlu dihitamkan misalnya garisan objek dengan memastikan ketebalan dan kehitamannya mengikut tugas garisan itu. Kemudian garisan – garisan tambahan yang perlu bagi rajah pandangan itu dilukis seperti garisan tersembunyi, garisan pemotongan, garisan keratan dan sebagainya, seperti rajah 4.42.



**Rajah 4.42 Menetapkan jenis-jenis garisan**

### Langkah 9

Akhirnya dimensi diberikan kepada gambarajah. Seberapa yang boleh dimensi jangan ditukar dengan ukuran – ukuran yang diberitadi, seperti rajah 4.43.



**Rajah 4.43 Pendimensian**

#### **4.5 PERHUBUNGAN ANTARA DIMENSI LUKISAN DENGAN DIMENSI.**

Setiap objek lazimnya dilihat dalam tiga dimensi yang menunjukkan permukaan utama merujuk kepada ukuran tinggi, lebar dan panjang yang mana jika pandangan – pandangan tersebut dirakamkan secara lukisan lakar atau lukisan sebenar adalah dikenali sebagai unjuran bergambar. Rupa bentuk pandangan – pandangan objek dalam tiga dimensi itu tidak dapat menggambarkan rupa bentuk sebenar bagi setiap permukaannya. Ia hanya memberikan gambaran rupa bentuk permukaan – permukaan utama sesuatu objek secara menyeluruh dan serentak. Ukuran – ukurannya pula tidaklah yang sebenar.

Bentuk permukaan yang dilihat atau dibayangkan dalam tiga dimensi boleh dirakam secara lukisan teknik di atas sekeping kertas yang mempunyai dua dimensi sahaja iaitu ukuran panjang dan lebar kertas. Untuk melukis rupa bentuk objek daripada tiga dimensi kepada dua dimensi kertas lukisan



memerlukan satu kaedah khas yang khusus. Kaedah yang digunakan ialah melalui lukisan unjuran ortografik.

Dalam kaedah ini, pandangan – pandangan dilukis secara berasingan dan berbeza – beza diantara satu sama lain yang mana setiap satunya menunjukkan rupa bentuk permukaan yang sebenar. Pandangan – pandangan dalam unjuran ortografik disusun atur supaya kedudukannya saling berhubung kait antara satu dengan yang lain. Setiap pandangan digambarkan secara terperinci mengikut butir – butirannya dan dilukis dengan tepat serta lengkap supaya mudah dibaca dan difahami rupa bentuk objeknya. Untuk kegunaan dalam pembacaan lukisan adalah perlu disertakan ukuran – ukuran secara terperinci dan jelas bagi membolehkan kerja – kerja pembikinan merujuk kepada ukuran yang diberi.

## **UNIT 5 : UNJURAN TAMBAHAN**


### **5.0 PENGENALAN**

Kalau diperhatikan sekeliling kita, kebanyakan objek mempunyai permukaan yang tidak selari dengan mana-mana satah utama. Permukaan-permukaan ini, apabila diunjurkan pada satah utama akan kelihatan terherot, iaitu tidak akan kelihatan bentuk atau saiz sebenar dalam pandangan utama. Pandangan saiz sebenar cuma diperolehi dengan mengunjur kepada satah selari kepada permukaan itu. Dalam unit ini, kita akan membincangkan unjuran pandangan kepada satah tambahan yang condong kepada satah-satah utama.


### **5.1 KONSEP ASAS UNJURAN TAMBAHAN**

Rajah-rajah 5.1a, 5.1b dan 5.1c menunjukkan tiga blok segiempat tepat yang berlainan dengan permukaan terpotong. Permukaan itu (dihitamkan) dipotong pada sudut-sudut berlainan. Permukaan pada Rajah 5.1a dipotong secara menegak. Permukaan terpotong itu serenjang kepada muka atas blok dan condong pada satu sudut kepada muka hadapan dan muka sisi blok. Permukaan terpotong pada Rajah 5.1b dilakukan di mana ia berserenjang kepada muka hadapan dan condong kepada muka atas dan muka sisi blok. Permukaan terpotong pada Rajah 5.1c adalah condong kepada kesemua tiga muka (atas, hadapan dan sisi). Permukaan condong ialah permukaan yang serenjang kepada satu satah unjuran utama dan condong kepada kedua satah utama yang lain. Kedua objek pada Rajah 5.1a dan 5.1b mempunyai permukaan condong. Permukaan serong ialah permukaan yang condong kepada kesemua tiga satah unjuran utama. Objek pada Rajah 5.1c mempunyai permukaan serong. Pandangan atas, hadapan dan sisi ketiga objek di atas diunjurkan ke atas satah unjuran masing-masing pada Rajah 5.1a, 5.1b dan 5.1c. Unjuran ortografis sudut ketiga telah digunakan. Unjuran-


unjuran permukaan condong pada satah utama mempunyai pandangan utama yang ditunjuk secara pinggir. Sebagai contoh, pandang atas objek pada Rajah 5.1a menunjukkan pinggir permukaan condong itu. Begitu juga, pandangan hadapan objek pada Rajah 5.1b menunjukkan pinggir permukaan condong itu. Pandangan yang lain dalam setiap kes itu menunjukkan permukaan condong tetapi bukan bentuk sebenar. Permukaan terunjur kelihatan terherot. Tiada satu pun daripada tiga satah unjuran utama pada Rajah 5.1c menunjukkan pinggir permukaan serong. Kesemua pandangan utama menunjukkan sesuatu bentuk tetapi tidak menggambarkan bentuk permukaan sebenar permukaan. Bentuk sebenar permukaan hanya boleh dilihat dengan mengunjur kepada satah tambahan. Satah unjuran serong ini selari kepada permukaan serong terpotong.



**Rajah 5.1a Blok segiempat tepat dengan permukaan tegak dipotong**




**Rajah 5.1b Blok segiempat tepat dengan permukaan condong di potong**




**Rajah 5.1c Blok segiempat tepat dengan permukaan serong dipotong**

## **5.2 KAITAN UNJURAN TAMBAHAN DENGAN UNJURAN ORTOGRAFIK**


Dalam unjuran tambahan, kita memerlukan dua daripada pandangan objek dalam unjuran ortografik untuk menggambarkan bentuk objek dan untuk memudahkan kita mendimensikan pandangan tambahan yang kita buat. Jadi penguasaan anda dalam unjuran ortografik (unit 4) amatlah diperlukan. Dalam unjuran ortografik, kita dapat melukis tiga pandangan, iaitu pandangan atas, pandangan hadapan dan pandangan sisi. Dalam lukisan kejuruteraan ada kalanya kita dikehendaki melukis selain daripada tiga pandangan yang disebutkan itu. Ini adalah untuk menjelaskan sesuatu bahagian dalam lukisan tersebut dengan cara melukis unjuran tambahan berdasarkan unjuran ortografik yang diberi, seperti dalam Rajah 5.2a. Seperti dalam unjuran ortografik, unjuran tambahan juga terdapat dalam pandangan sudut pertama dan pandangan sudut ketiga. Rajah 5.2b dan 5.2c menunjukkan perbezaan di antara unjuran sudut pertama dan unjuran sudut ketiga. Prinsip mengunjur pandangan hadapan dan atas adalah sama untuk kedua-dua unjuran. Perbezaannya adalah pada kedudukannya sahaja.



**Rajah 5.2a Unjuran Tambanahan Berdasarkan Unjuran Ortografik yang diberi**




Unjuran tambahan bagi pandangan pelan




Unjuran tambahan bagi pandangan hadapan

Rajah 5.2b Unjuran tambahan dalam sudut pertama

### Unjuran tambahan bagi pandangan pelan



### Unjuran tambahan bagi pandangan hadapan




Rajah 5.2c Unjuran tambahan dalam sudut ketiga

## Cara menentukan satah tambahan

Terdapat dua cara untuk menentukan satah tambahan iaitu

- a) Cara penunjuk
- b) Cara sudut antara garis XY dan  $X_1 Y_1$


Rajah 5.3a(i) dan Rajah 5.3a(ii) telah diunjur dalam unjuran sudut pertama. Rajah 5.3b(i) dan 5.3b(ii) telah diunjurkan dalam unjuran sudut ketiga. Rajah-rajah ini menunjukkan perbezaan kedudukan dalam setiap unjuran.




**Rajah 5.3a Cara penunjuk**



Unjuran sudut pertama



Unjuran sudut ketiga




Rajah 5.3b Cara sudut antara XY dan X<sub>1</sub> Y<sub>1</sub>


### 5.3 JENIS-JENIS PANDANGAN DALAM UNJURAN TAMBAHAN

#### 5.3.1 Unjuran tambahan pelan


Juga dikenali sebagai pandangan tambahan tinggi. Semua pandangan yang diunjurkan dari pandangan pelan seperti dalam Rajah 5.4a disebut sebagai unjuran tambahan pelan. Rajah 5.4a menunjukkan pandangan tambahan tinggi. Rajah 5.4b menunjukkan kedudukan satah-satah tambahan. Unjuran tambahan pelan dibentangkan mendatar dan anak-anak panah A adalah arah pandangan. Rajah 5.4c Gambarajah objek disusun dalam susunan unjuran ortografik, arah pandangan dilihat dari arah X dan ukuran tinggi adalah prinsip utama dimensi.



Rajah 5.4a: Pandang tambahan tinggi



Rajah 5.4b: Kedudukan satah-satah Tambahan



**Rajah 5.4c: Pandangan dilihat dari arah X**


### 5.3.2 Unjuran tambahan hadapan

Juga dikenali sebagai pandangan tambahan lebar. Semua pandangan yang diunjurkan dari pandangan hadapan seperti dalam Rajah 5.5a disebut sebagai unjuran tambahan hadapan.


Rajah 5.5b menunjukkan pandangan tambahan lebar.

Rajah 5.5c menunjukkan pandangan tambahan berbeza di antara satu dengan yang lain tetapi mempunyai ukuran yang tetap sama iaitu ukuran lebar. Anak panah menunjukkan arah pandangan.


Rajah 5.5c Menunjukkan contoh menempatkan unjuran tambahan bagi satu bongkah dengan pelan dan pandangan hadapan dalam unjuran sudut pertama.



**Rajah 5.5a: Unjuran Tambahan Hadapan**



**Rajah 5.5b: Pandangan Tambahan Lebar**



**Rajah 5.5c: Arah Pandangan**


### 5.3.3 Unjuran tambahan sisi

Juga dikenali sebagai pandangan tambahan panjang, berdasarkan kepada prinsip utama dimensi iaitu panjang.


Rajah 5.6a menunjukkan kedudukan satah-satah tambahan panjang mengelilingi bongkah merujuk kepada pandangan hadapan.

Rajah 5.6b menunjukkan pambentangan satah-satah secara mendatar, kesemua pandangan mempunyai dimensi yang sama iaitu ukuran panjang.


Rajah 5.6c unjuran tambahan sisi dengan diberi dua pandangan dalam unjuran ortografik iaitu pandangan hadapan dan pandangan sisi. Pandangan tambahan dilihat dari arah X.



Rajah 5.6a: Kedudukan Satah Tambahan Panjang



Rajah 5.6b: Pembentangan Satah-satah



Rajah 5.6c:Unjuran Tambahan Sisi

#### 5.4 DIMENSI PIAWAI PADA UNJURAN TAMBAHAN

Dimensi piawai pada unjuran tambahan berbeza mengikut jenis pandangan tambahan.

### **Unjuran tambahan pelan**


Dalam unjuran tambahan pelan, pandangan-pandangan tambahan yang diunjur dari pandangan pelan yang diberi, didimensi berdasarkan pada ukuran tinggi objek. Ukuran tinggi adalah dimensi piawai bagi unjuran tambahan pelan. (Sila rujuk Rajah 5.7a).

### **Unjuran tambahan hadapan**



Dalam unjuran tambahan hadapan pula, pandangan-pandangan tambahan yang diunjur dari pandangan hadapan yang diberi, didimensi berdasarkan pada ukuran lebar objek. Maksudnya, ukuran lebar adalah dimensi piawai bagi unjuran tambahan hadapan (Sila rujuk Rajah 5.7b).

### **Unjuran tambahan sisi**


Begitu juga dalam unjuran tambahan sisi, pandangan-pandangan tambahan yang diunjur dari pandangan sisi yang diberi, didimensi berdasarkan pada ukuran panjang objek. Ukuran panjang itulah yang menjadi dimensi piawai bagi unjuran tambahan sisi. (Sila rujuk Rajah 5.7c)








Rajah 5.7a:Unjuran Tambahan Pelan



Rajah 5.7b:Unjuran Tambahan Hadapan



Rajah 5.7c:Unjuran Tambahan Sisi

#### 5.4 PERHUBUNGAN ANTARA DIMENSI DENGAN LUKISAN KERJA

Dimensi ialah satu cara untuk memberikan ukuran kepada sesuatu gambar yang telah dilukis pada sekeping kertas lukisan. Perlu diingat, kekeliruan sering berlaku disebabkan oleh kesalahan cara mendimensikan akhirnya akan menyebabkan lukisan kerja tidak dapat dilukis dengan tepat. Jadi, sangat


mustahak bagi pembaca dan pekerja untuk mengetahui cara mendimensi bagi memudahkan mereka berkerja dan membaca sesuatu gambarajah barukuran. Oleh itu dimensi yang jelas dan mudah difahami akan mempengaruhi penghasilan lukisan kerja serta mendapat spesifikasi objek yang dikehendaki.

## UNIT 6 : PANDANGAN ISOMETRIK


### 6.0 PENGENALAN

Lukisan pandangan isometrik bolehlah dianggapkan sebagai lukisan tigadimensi. Ianya membantu untuk lebih memahami sesuatu reka bentuk objek dengan mudah. Pada pandangan – pandangan yang lain, biasanya objek dilukis dalam bentuk lukisan oblik, ortografik atau perspektif.


Bagi pandangan isometrik, objek dipegang condong pada suatu sudut. Dalam rajah 6.1 menunjukkan jenis – jenis pandangan sesuatu objek dalam lukisan kejuruteraan.




(a) Pandangan Ortografik



(b) Pandangan Isometrik




(c) Pandangan Oblik




(d) Pandangan Perspektif


Rajah 6.1 Jenis – jenis pandangan




**(a) Rahang Bebas**



**(b) Engkol Putar**



**(c) Fius Kartrij**




**(d) Butiran Kekuda Bumbung**

**Rajah 6.2 Contoh – contoh pandangan Isometrik**

## 6.1 HUBUNGKAIT LUKISAN ORTOGRAFIK DENGAN BENTUK OBJEK DALAM TIGA DIMENSI.

Lukisan ortografik adalah membantu untuk melukis pandangan isometrik supaya sesuatu objek sebenar dapat dilihat dan difahami dengan lebih mudah lagi. Dengan bantuan lukisan ortografik yang terdiri daripada pandangan pelan, hadapan dan sisi pandangan isometrik dengan mudah dapat digambarkan dan dilukiskan. Dalam rajah 6.3 menunjukkan lukisan ortografik dengan bentuk dalam tiga dimensi. Semua contoh rajah dalam unit ini adalah unjuran sudut ketiga, kecuali jika dimaklumkan.




Rajah 6.3 Lukisan Ortografik dengan bentuk objek dalam tiga dimensi

## 6.2 KENALPASTI PERSAMAAN DAN PERBEZAAN ANTARA UNJURAN ORTOGRAFIK DENGAN PANDANGAN ISOMETRIK.

Di dalam lukisan kejuruteraan, unjuran ortografik dan pandangan isometrik adalah sangat memerlukan di antara satu dengan yang lain. Dengan itu, terdapat persamaan dan perbezaan di antara keduanya.

### 6.2.1 Persamaan di antara unjuran ortografik dengan pandangan isometrik.


Di antara persamaannya ialah unjuran ortografik mempunyai tiga pandangan iaitu pelan, hadapan dan sisi. Rajah 6.4 menunjukkan tiga pandangan dalam unjuran ortografik.



**Rajah 6.4 Unjuran Ortografik mempunyai tiga pandangan**



Dalam pandangan isometrik juga mempunyai tiga pandangan iaitu pandangan pelan, hadapan dan sisi. Rajah 6.5 di bawah menunjukkan pandangan isometrik yang dapat dilihat dari arah tiga pandangan.




**Rajah 6.5 Pandangan Isometrik dari arah tiga pandangan**

#### **6.2.2 Perbezaan di antara unjuran ortografik dengan pandangan isometrik.**


Di antara perbezaan yang dapat dilihat diantara unjuran ortografik dengan pandangan isometrik ialah objek yang sebenar. Di dalam unjuran ortografik, objek sebenar tidak dapat dilihat dengan jelas, kecuali pelukis yang mahir dalam teknikal sahaja yang dapat menggambarkan objek sebenar daripada unjuran ortografik.

Rajah 6.6 menunjukkan unjuran ortografik yang hanya membayangkan objek sebenar.



**Rajah 6.6 Unjuran ortografik dalam membantu melukis objek sebenar**

Dalam pandangan isometrik, objek sebenar dapat dilihat dengan mudah dan pandangan pelan, hadapan dan sisi dapat diperhatikan dengan jelas dalam membantu memahami objek sebenar itu lagi. Rajah 6.7 menunjukkan pandangan isometrik yang menggambarkan suatu objek sebenar.




**Rajah 6.7 Pandangan Isometrik yang menggambarkan objek sebenar.**


### **6.3 MELUKIS PANDANGAN ISOMETRIK BERPANDUKAN TITIKTERENDAH DAN ARAH ANAK PANAH PADA UNJURANORTOGRAFIK**

#### **6.3.1 Pengenalan**

Pandangan isometrik adalah satu cara bagi menghasilkan pandangan objek dengan lebih jelas. Dalam lukisan kejuruteraan, hampir semua lukisan dilukis dalam unjuran ortografik dalam membantu melukis objek sebenar dalam pandangan isometrik. Bagi lukisan pandangan isometrik, satu pandangan memperlihatkan ketiga-tiga bahagian objek itu. Rajah 6. menunjukkan garis paksi isometrik. Paksi-paksi ini adalah asas dalam pembinaan pandangan isometrik. Rajah 6.9 di bawah pula menunjukkan kaedah melukis paksi isometrik.




(a)



(b)


Rajah 6.8 Paksi – paksi isometrik



Rajah 6.9 Kaedah melukis paksi isometrik

### 6.3.2 Objek yang dilukis dengan garisan isometrik


Objek dalam rajah 6.10 dilukis dengan cara mengalih semua dimensi pada pandangan ortografik secara terus ke atas garisan isometrik. Rajah 6.10 dapat memberi panduan bagaimana cara melukis objek tersebut. Pada unjuran ortografik dalam rajah 6.10 adalah unjuran sudut pertama.



**Rajah 6.10 Pandangan ortografik dilukis secara terus ke atas garisan isometrik.**

### 6.3.3 Objek yang dilukis dengan garisan Tak Isometrik.


Ini adalah garisan pada objek yang mengakibatkan sudut bukan terdiri daripada golongan garisan isometrik. Semua sudut tidak boleh dialih secara terus ke atas garisan isometrik kerana ia bukan pandangan sebenar. Sudut tepat pada kubus mestilah digambarkan dengan sudut  $60^\circ$  atau  $120^\circ$  pada unjuran isometrik. Cara yang betul untuk melukis sudut dapat dilihat dalam rajah 6.11. Pada pandangan ortografik dalam rajah 6.11 adalah unjuran sudut pertama.



**Rajah 6.11 Objek yang dilukis dengan garisan Tak Isometrik**

#### **6.3.4 Objek dengan permukaan berlengkuk.**

Melukis lengkok pada unjuran isometrik dengan caramelatakan beberapa titik pada lengkok di pandangan garisfiniti. Kemudian setiap ordinat titik itu dialihkan ke pandangan isometrik satu demi satu. Jika terdapat dua garislengkuk yang selari dan sama tebal, cara melukisnyaditunjukkan dalam rajah 6.12 . Pada unjuran ortografikdalam rajah 6.12 adalah unjuran sudut pertama.




Rajah 6.12 Objek dengan permukaan berlengkuk.

### 6.3.5 Bulatan pada unjuran isometrik

Bulatan pada garis finiti akan wujud sebagai sebuah elips dalam pandangan isometrik. Terdapat tiga cara untuk melukis elips seperti yang ditunjukkan dalam rajah-rajah dibawah.

#### 6.3.5.1 Cara 1 (Rajah 6.13)


Ini adalah cara pengalihan ordinat X dan Y dari bulatan pada pandangan garis finiti ke unjuran isometrik. Ordinat pada salah satu kuadrant sahaja yang perlu dialih kerana yang lain itu sama sahaja jaraknya. Titik itu kemudiandicantumkan dengan menggunakan pembaris lengkok.



Rajah 6.13 Cara pengalihan ordinat X dan Y

#### 6.3.5.2 Cara 2 (Rajah 6.14)

Dalam cara ini, sebuah segiempat sama dilukis mengelilingi bulatan serta ditambah satu garisan pepenjuru. Kemudian segiempat ini dilukiskan pada unjuran isometrik. Akhirnya, kelapan-lapan titik elips diperolehi dengan cara menyilangkan garisan penengah dan garisan pepenjuru dengan bulatan X adalah ordinat yang diletakkan pada garisan pepenjuru. Elips ini disempurnakan dengan menggunakan pembaris lengkok.




Rajah 6.14 Kaedah segiempat sama melukis bulatan pada unjuran isometrik.



### 6.3.5.3 Cara 3 (Rajah 6.15)


Cara ini digunakan ketika melukis suatu elips. Apabilamelukis sebuah silinder, titik elips boleh didapati denganketiga-tiga cara ini. Kemudian elips pada tapak boleh dibentuk dengan cara pengalihan terus seperti dalam rajah6.15 .



**Rajah 6.15 Melukis elips dengan cara pengalihan terus**

### 6.3.6 Unjuran Isometrik dalam Lukisan Mesin.


Rajah 6.16 menunjukkan kegunaan unjuran isometrik dalam lukisan mesin.




Rajah 6.16 Kegunaan Unjuran Isometrik dalam lukisan Mesin.

**6.3.7 Melukis pandangan isometrik berpandukan titik terendah dan arah anak panah pada unjuran ortografik.**


**6.3.7.1 Melukis pandangan isometrik berpandukan titik terendah pada unjuran ortografik. Rajah adalah unjuran sudut pertama.**




Hadapan




Pelan



Langkah 1



Langkah 2




Langkah 3

Rajah 6.17 Titik terendah unjuran ortografik dilukis ke pandangan isometrik.

### 6.3.7.2 Melukis pandangan isometrik berpandukan arah anak panah pada unjuran ortografik.

Dalam rajah 6.18 adalah pengertian arahan anak panah bagi pandangan isometrik. Perhatikan dan kaji tiap-tiap lukisan tersebut.




Rajah 6.18 Pandangan isometrik berpandukan arah anak panah pada unjuran Ortografik.

#### 6.4 DIMENSI PIAWAI PADA LUKISAN ISOMETRIK


Prinsip asas yang digunakan untuk mendimensi unjuran ortografik digunakan juga untuk mendimensi lukisan isometrik. Terdapat dua sistem pendimensian lukisan isometrik, iaitu sistem terjajar dan sistem ekaarah. Namun demikian terdapat beberapa perbezaan antara pendimensian lukisan isometrik dengan pendimensian lukisan ortografik. Perbezaan ini adalah seperti berikut :

- i. Garisan tambahan dan garisan dimensi dilukis selari dengan paksi isometrik. Garisan-garisan tersebut perlu diletakkan pada satah isometrik yang sama. Garisan tambahan dan garisan dimensi biasanya ditempatkan pada satah yang sama dengan permukaan objek yang didimensikan, lihat rajah 6.19 .

Kekeliruan biasanya timbul apabila mendimensi pinggir objek yang tidak terletak pada satah isometrik utama. Rajah 6.20 (a) menunjukkan kesalahan yang lazim dilakukan oleh pelukis. Kaedah yang betul ditunjukkan dalam rajah 6.20 (b).




**Rajah 6.19 Kedudukan garisan tambahan dan garisan dimensi**




**Rajah 6.20 Kaedah mendimensi pinggir pada satah condong**


- ii. Dalam pendimensian lukisan isometrik mengikut sistem terjajar, angka dimensi yang digunakan untuk pendimensian lukisan isometrik perlu diubah suai supaya angka itu kelihatan selaras dengan pandangan isometrik. Hal ini dilakukan dengan menulishuruf dan angka yang dicondongkan ke kiri atau ke kanan sebanyak  $60^\circ$  seperti yang ditunjukkan dalam rajah 6.21. Pemilihan arah kecondongan bergantung kepada satah isometrik yang mana satu garisan dimensi ditempatkan, lihat rajah 6.22.



**Rajah 6.21 Bentuk angka dimensi isometrik**




(a) Betul




(b) Salah

Rajah 6.22 Pendimensian lukisan isometrik

Rajah 6.23 menunjukkan contoh pandangan objek yang sama mengikut terajar dan sistem ekaarah. Perhatikan dan kaji perbezaan kaedah menulis angka dimensi.



(a) Sistem terjajar



(c) Sistem ekaarah

Rajah 6.23 Pendimensian lukisan isometrik mengikut sistem terjajar dan sistem ekaarah.




## **UNIT 7 : PENGORAKAN / HAMPARAN MUKA**

### **7.0 PENGENALAN**


Ia adalah satu istilah yang digunakan dalam kerja kepingan logam yang berkaitan dengan kerja-kerja menghampar satu bentuk yang telah sempurnahingga ia menjadi kepingan biasa. Terdapat tiga cara penghamparan yang perludiketahui oleh anda yang mengikuti unit ini, iaitu cara selari, cara jejari dan carapenigasegian. Walaubagaimana pun pemilihan cara-cara ini bergantung kepadabentuk benda kerja yang hendak dihamparkan.

### **7.1 KONSEP ASAS PENGORAKAN**


Konsep asas pengorakan ini boleh kita fahami dengan jelas jika kita mengambilsatu kotak pembungkusan yang diperbuat daripada kertas seperti pada rajah7.1(a) dan kemudiannya dibuka mengikut bahagian yang dilekatkan. Setelahmembukanya dari satu bahagian ke bahagian melekat yang lain, didapati permukaan-permukaan kotak tersebut masih bercantum di antara satu denganyang lain seperti pada rajah (b). Apabila rangkaian permukaan-permukaan kotakitu dibentangkan mendatar secara hamparan, didapati ia merupakan sekepingkertas rata yang dipotong mengikut coraknya seperti pada rajah (c) serta dilipatbahagian-bahagiannya supaya boleh dibentuk menjadikan kotak yangdikehendaki.



**Rajah 7.1(a) Kotak Pembungkusan**



**Rajah 7.1(b) Bahagian kotak Dibuka**




**Rajah 7.1(C) Hampan Kotak**


## **7.2 PELBAGAI KAEDAH MEMBINA PENGORAKAN**

### **7.2.1 Cara garisan selari**


Untuk pengetahuan anda kaedah ini hanya dapat digunakan bagi objek yang mempunyai bentuk keratan rentas yang sekata bagi keseluruhan panjangnya seperti prisma dan selinder. Garisan yang selari dengan paksi objek akan dilukis pada gambarajah hampan muka secara terus kerana ia masih lagi dalam panjang sebenar. Apabila objek itu adalah sebuah prisma (Rajah 7.2(a) – Rajah 7.2(h) ) penjuru prisma itu boleh dijadikan sebagai garisan permukaan. Tetapi, jika objek itu adalah sebuah selinder (Rajah 7.3 (a) – Rajah 7.3(e)) , garisan permukaan didapati dengan membahagikan lilitan bulatan selinder itu kepada 12 bahagian.




Rajah 7.2(a) Prisma segiempat sama




**Rajah 7.2(b) Prisma segiempat tepat**




**Rajah 7.2(c) Prisma segitiga**




**Rajah 7.2(d) Prisma segiempat sama terpotong (dengan penutup)**




**Rajah 7.2(e) Prisma segiempat tepat terpotong(dengan penutup)**




Rajah 7.2(f) Prisma segienam sama



Rajah 7.2 (g) Prisma segienam sama terpotong 30° (tanpa penutup)




Rajah 7.2(h) Prisma segienam sama terpotong pada lebih daripada satu satah(tanpa penutup)




7.3(a) Selinder tanpa satah pemotong







Rajah 7.3(b) Selinder dengan satah pemotong



Rajah 7.3(c) Selinder dengan lebih daripada satu satah pemotong



Rajah 7.3(d) Sambungan siku(selinder mempunyai garispusat yang sama)




Rajah 7.3(e) Sambungan Tee(Selinder yang mempunyai garispusat sama)


### 7.2.2 Cara jejari

Kaedah garisan jejari ini pula , sesuai digunakan bagi kon-kontegak dan kon-kon oblik. Secara ringkas, kita lukiskan garisansempadan dari puncak kon hingga tegaknya. Garisan ini dapatdibahagikan dengan membahagikan bulatan yang dilukis padapandangan pelan kon itu kepada 12 bahagian yang sama. Garisantepi kon yang condong dapat digunakan sebagai sempadan mukahamparan. Garisan tepi kon yang condong dapat digunakansebagai sempadan muka hamparan. Rajah 7.3(a). Rajah 7.3(a) –Rajah 7.3(c) menunjukkan contoh-contoh


hamparan kon dengan kaedah garisan jejari. Rajah 7.3(d) dan Rajah 7.3(j) pula menunjukkan dua contoh hamparan oblik kon dengan kaedah garisan jejari. Dengan kaedah ini, kita juga boleh menghamparkan bentuk prisma piramid. Yang penting, kita mestilah membina panjang sebenar terlebih dahulu bagi sempadan muka hamparan.




**Rajah 7.3(a) Kon (tanpa satah pemotong) Rajah 7.3(b) Kon (dengan satah pemotong)**




Rajah 7.3(c) Kon(dengan satah pemotong sudut  $45^\circ$ )




Rajah 7.3(d) Hamparan prisma piramid




Rajah 7.3(e) Piramid segiempat sama



Rajah 7.3(f) Piramid segienam sama




Rajah 7.3(g) Piramid segitiga  
Samaterpotong (tanpa penutup)




Rajah 7.3(h) Piramid segiempat  
sama terpotong (tanpa penutup)





**Rajah 7.3(i) Piramid segiempat samaterpotong (tanpa penutup)**





**Rajah 7.3(j) Piramid segienam samaterpotong (tanpa penutup)**




### 7.2.3 Cara penigasegian

Dalam cara ini, permukaan objek dibahagikan kepada beberapa buah segitiga. Saiz sebenar segitiga itu perlu dicari. Kemudian iadisusun mengikut susunan yang kemas untuk membentuk sebuah rajah. Untuk mendapatkan saiz sebenar segitiga itu, kamu perlumengetahui panjang sebenar setiap sempadannya. Cara mendapatkan panjang sebenar ditunjukkan dalam Rajah 7.4(a) hingga Rajah 7.4(b) dari pandangan hadapan. Rajah-rajah ini jugamenunjukkan cara hamparan muka penigasegian. Ukuran tapakdiukur dari pandangan pelan kerana ia adalah pandangan sebenaryang dilihat dari atas. Misalnya dalam rajah 7.4(a), panjangsebenar C4 adalah ukuran tapaknya dari pandangan pelan. Hamparan sepenuhnya didapati hasil daripada binaan beberapasegitiga yang diambil daripada panjang sebenarnya.





Rajah 7.4(a)



Rajah 7.4(b)

<http://members.dodo.com.au/~steegshaads/drawingsystems.html>

[http://members.dodo.com.au/~steegshaads/design\\_elements.html](http://members.dodo.com.au/~steegshaads/design_elements.html)

[http://members.dodo.com.au/~steegshaads/design\\_principles.html](http://members.dodo.com.au/~steegshaads/design_principles.html)

<http://www.facebook.com/pages/Engineering-drawing/106000262763638?sk=wiki>